



JORNAL do Parlamento Nacional

VI LEGISLATURA

1.ª SESSÃO LEGISLATIVA (2023-2028)

REUNIÃO PLENÁRIA DE 20 DE JANEIRO DE 2025

Presidente: Ex.^{ma} Sr.^a Maria Fernanda Lay

Vice-Presidentes: Maria Terezinha da Silva Viegas
Ex.^{mo} Sr. Alexandrino Afonso Nunes

Secretária: Ex.^{ma} Sr.^a

Vice-Secretárias: Ex.^{ma} Sr.^a Maria Teresa da Silva Gusmão

SUMÁRIO

Sr.^a Presidente Maria Fernanda Lay declara aberta sessão plenária ne'e iha tuku 9 liu minuto 20 dadeer no halo kedas leitura ba agenda serbisu loron ne'e nian.

Antes Ordem do Dia – Sr.^a Deputada Sância Florência Paixão Bano, husi Partido FRETILIN,

hato'o declaração política ne'ebé foca ba setor educação, liu-liu kona-ba condição instalação escolar, falta professor no Programa Merenda Escolar, ne'ebé muda ona ba Ministério Estatal. Além de ne'e, salienta mós katak evicção forçada ne'ebé halo husi SEATOU iha Fomento II halo labarik barak mak lakon sira-nia nia estudo.

Husi fali Bancada KHUNTO, Sr. Luís Roberto da Silva halo declaração política Bancada nian ne'ebé toca ba lista veterano ne'ebé foin publica, evicção forçada ba população, estrada no eletricidade.

Liu-liu kona-ba estrada, hanesan pilar importante ida iha desenvolvimento nacional tanba estrada mak facilita atividades económicas, movimento população nian, inclui transportações, husu ba Governo atu reabilita hirak ne'ebé iha condição aat.

Iha fali ninia vez, Bancada CNRT, representa husi Sr.^a Deputada Virgínia Ana Belo, halo declaração política hodi responde de'it ba declaração anterior sira husi partido sira iha oposição, ne'ebé ko'alia kona-ba polémica evicção ne'ebé hala'o husi SEATOU.

Iha intervenções diversas, Senhor Deputado sira ko'alia kona-ba assunto sira hanesan: evicção forçada ne'ebé la'o hela; movimento transfronteiriço camião sira husi Indonésia ne'ebé tula mercadoria mai Timor-Leste; controle ba qualidade projeto PNDS nian; avaria no falta de acesso ba eletricidade; merenda escolar; estrada ne'ebé precisa reabilitação; Estatuto *East Timor Coffe Institue* nian; mudança fatin ba planta LNG nian husi Beaçõ ba Natarbora; salário pessoal Segurança Lorosa'e nian; publicação lista naran veterano sira ne'ebé regista iha 2009; execução orçamento PNDS nian husi Governo anterior; falta professor iha escola sira; funcionamento clínica balu nian no falta profissional de saúde; avaria máquina impressora passaporte nian; problema lixo iha cidade no condição estrada iha capital Díli.

Tuirmai, hafoin Senhor Deputado sira-nia intervenção, Sr. Vice-Ministro dos Assuntos Parlamentares, Adérito Hugo da Costa, hatán ba senhor Deputado no senhora Deputada sira-nia preocupação.

Ordem do Dia – Anúncio de admissão e baixa à Comissão de Assuntos Constitucionais e Justiça e à Comissão de Infraestruturas a Proposta de Lei n.º 13/VI (2.^a) - Código de Recuperação e Insolvência

Senhor Deputado no Senhora Deputada sira-ne'ebé halo intervenção iha sessão plenária ne'e mak: Cedelízia Faria dos Santos (CNRT), Lídia Norberta dos Santos Martins (FRETILIN), Sancha Margarida Tilman (PD), Marcos Soares Martins (CNRT), Florentino Ximenes da Costa «Sinarai» (FRETILIN), Antoninho Bianco, Cristina Yuri Rebelo dos Santos Costa, Mariquita Soares no Maria Anabela Savio (FRETILIN), Armando dos Santos Lopes (PD), Óscar Lima no Antoninho Doutel Sarmento (FRETILIN), Manuel Henrique Noronha (PD), Anacleto Freitas, Mateus da Cruz de Carvalho, Carminda Carlota, Lúcia Taeki, Francisco da Costa «Ikulay» no Domingos Augusto «Deker» (CNRT), José da Cruz (FRETILIN), Saul Salvador H. J. Amaral (CNRT) no Nurima Ribeiro Alkatiri (FRETILIN).

Sr.^a Presidente declara encerra reunião plenária ne'e iha tuku 1 liu minuto 17 lokraik.

Sr.^a **Presidente** (Maria Fernanda Lay): — Srs. Deputados, ha'u-nia bom ida ba Ita-Boot sira hotu.

Horas hatudu tuku 09 liu minuto 20.

Já estamos às 9h20, ita iha quórum, ne'ebe ha'u husu para Ita-Boot sira tuur hodi bele inicia ita-nia sessão plenária ohin dadeer.

Entretanto, ha'u sei anuncia ita-nia agenda plenária tanba iha semana kotuk ita iha audiência ho Câmara de Contas ligado com a Conta Geral de 2023 – bom dia Sr. Vice – ne'ebe, ha'u sei hato'o ita-nia agenda ohin nian, dia 20 de janeiro de 2025.

Iha Período de Antes da Ordem do Dia:

1. Justificação de faltas dos Senhores Deputados;
2. Informação sobre o relatório de fiscalização da Comissão de Finanças Públicas a Baucau e Bobonaro;
3. Informação sobre o relatório de fiscalização da Comissão de Economia e Desenvolvimento ao Município de Lautém;
4. Informação sobre o relatório relativo à participação na 149.^a Reunião da União Interparlamentar;
5. Declarações políticas das bancadas parlamentares;
6. Intervenções diversas dos Srs. Deputados;
7. Intervenção do Sr. Vice-Ministro dos Assuntos Parlamentares sobre as questões suscitadas pelos Deputados.

E, no Período da Ordem do dia, nós temos: Anúncio de admissão e baixa à Comissão de Assuntos Constitucionais e Justiça e à Comissão de Infraestruturas a Proposta de Lei n.º 13/VI (2.^a) - Código de Recuperação e Insolvência.

Entretanto, distintos Deputados, ha'u loke ba Ita-Boot sira-nia apreciação. Se aceita ou se não houver inconveniência, ita hakat ba oin.

Não está ninguém registado, concludo que ita aceita ho proposta da agenda da Presidente do Parlamento.

Ne'ebe, ha'u fó kedas tempo ba justificação de faltas dos Senhores Deputados ba Sr.^a Secretária hodi halo leitura.

Faz favor.

Sr.^a **Secretária da Mesa** (Maria Teresa da Silva Gusmão): — Obrigada, Sr.^a Presidente.

Bom dia ba Ita-Boot, composição da Mesa, colegas Deputados, Sr. Vice-Ministro dos Assuntos Parlamentares.

«Justificação de faltas,

Ex.^{ma} Sr.^a Presidente do Parlamento Nacional,

Óscar de Araújo, Deputado ao Parlamento Nacional, pertencente ao CNRT, vem requerer a Vossa Excelência que se digne considerar justificadas as faltas dadas à reunião de Plenário nos dias 7 e 14 de janeiro de 2025 por motivo de razões ponderosas.

Data, 14 de janeiro de 2025

O Deputado,

Óscar de Araújo».

«Ex.^{ma} Sr.^a Presidente do Parlamento Nacional,

Maria Rosa da Câmara «Bisoi», Deputada ao Parlamento Nacional, pertencente à Bancada do CNRT, vem requerer a Vossa Excelência que se digne considerar justificadas a falta dada à reunião de Plenário no dia 14 de janeiro de 2025 por motivo de razões ponderosas.

Data, 15 de janeiro de 2025

A Deputada,

Maria Rosa da Câmara “Bisoi”».

«Ex.^{ma} Sr.^a Presidente do Parlamento Nacional,

Mariquita Soares, Deputada ao Parlamento Nacional, pertencente à Bancada da FRETILIN, vem requerer a Vossa Excelência que se digne considerar justificadas as faltas dadas à reunião de Plenário nos dias 7 e 13 de janeiro de 2025 por motivo de razões ponderosas.

Data, 15 de janeiro de 2025

A Deputada,

Mariquita Soares».

«Ex.^{ma} Sr.^a Presidente do Parlamento Nacional,

Olinda Guterres, Deputada ao Parlamento Nacional, pertencente à Bancada do KHUNTO, vem requerer a Vossa Excelência que se digne considerar justificadas a falta dada à reunião de Plenário no dia 14 janeiro de 2025 por motivo de doença.

Data, 20 de janeiro de 2025.

A Deputada,
Olinda Guterres».
Obrigada, Presidente.

Sr.^a **Presidente**: — Muitíssimo obrigada, Sr.^a Secretária.

Agenda n.º 2, 3, 4 ha'u sente katak relatório sira-ne'e importante, porque a UIP tem que ler o relatório da AP-CPLP para integrarem nas matérias. Ne'ebe, ha'u husu, façam a leitura! E os relatórios que devem ser feitos ao Parlamento são em português ou tétum, mas nunca devem ser em inglês, porque apareceu um relatório aqui em inglês. Eu não sei se os Deputados entenderam o que estava lá, ou foram traduzidos.

Ne'ebe, dala ida tan, mesmo que la lê iha Plenária, não quer dizer que o relatório não é importante, cabe a cada Deputado fazer uso das matérias ne'ebé Ita-Boot sira simu tanba ita participa iha-ne'ebá, la'ós ita bá iha-ne'ebá ita mak foti fali questão porquê é que assim.

Ne'ebe, ha'u sugere ba distinto sira ato halo leitura dos relatórios.

Vamos para a agenda n.º 5 que é a declaração política das bancadas parlamentares.

Ha'u hahú husi Bancada da FRETILIN.

Sr.^a **Sância Florência Paixão Bano** (FRETILIN): — «Declaração Política Bancada FRETILIN.

Sua Excelência Presidente do Parlamento Nacional, componente da Mesa, Maluk Deputado sira hotu, membro do Governo sira, povo doben Maubere no Buibere, bom ida ba ita hotu.

«Setor educação Timor-Leste continua iha crise nian laran.

Educação ne'e direito universal ida ba timoroan hotu, ne'ebé consagra iha Constituição da RDTL, iha artigo 59.º, katak «Estado reconhece no garante cidadão hotu nia direito ba educação no cultura, nune'e mós harii sistema ensino básico universal, obrigatório no, bainhira bele, saugati, no tuir lei haruka».

Setor educação importante tebes, liuhusi educação mak bele liberta povo husi obscurantismo nia laran, povo bele hadi'a rasik economia uma-kain nian no bele moris livre no digno, tanba ne'e, educação tem que desenvolve tuir condições sócio-económicas Timor-Leste nian, atu hatán ba necessidade, interesse povo nian, hodi bele lori povo ba moris di'ak no sei resolve problema moris loroloron nian. Maibé, infelizmente, IX Governo la tau atenção máxima ba setor educação nian no la iha interesse atu desenvolve setor educação, hodi nune'e povo nafatin iha obscurantismo nian laran, tanba ne'e ami considera IX Governo intencionalmente hodi estraga qualidade da educação iha Timor-Leste.

Ita hotu hatene metas ba Plano Estratégico Desenvolvimento Nacional 2011-2030. Atu implementa meta ida-ne'e, bele hola parte iha compromisso mak hanesan promove oportunidade aprendizagem nian sira atu assegura educação inclusiva no equitativa no desenvolve educação sustentável, ne'ebé hatuur iha direitos humanos, iha igualdade género, iha diversidade cultural no iha promoção dame.

Edifício escola mak tuan ona sei usa nafatin edifício Indonésia nian, tanba ne'e Governo tem que fó atenção ba edifício sira, facilidade escola continua aat ba beibeik, biblioteca la iha, laboratório mós la iha – dificulta estudante sira atu halo prática – mesa, cadeira la suficiente, bee no saneamento la di'ak.

Povo doben sira hotu, professor hanesan elemento-chave iha setor educação tanba liuhusi professor mak bele forma estudante sira-nia personalidade no forma estudante sira-nia autonomia relaciona ho princípio moral no crítico sira bainhira estudante sira atu exerce sira-nia cidadania baseia ba Estado de direito democrático. Maibé, IX Governo hapara professor sira-ne'ebé iha experiência hanorin, ikus estudante sira sai vítima. Sr.^a Ministra da Educação nia decisão ne'e la iha sentimento humano.

Escola sira iha território tomak quase professor sira menus. Escola hirak ne'ebé precisa aumenta tan professor sira iha ensino ba estudante sira, Ministério da Educação halo fali decisão seluk hodi sacrifica estudante sira no estudante sira mak simu consequência, hanesan la hetan no lakon ensino ka material balu ba processo aprendizagem liu iha aula, maibé escola fó de'it valor ba estudante sira. Ida-ne'e oinsá mak bele iha garantia ba qualidade de ensino enquanto la iha aula maibé hetan valor?

Tuir dados ne'ebé Comissão da Função Pública hatete, número funcionário reforma hamutuk 5017. Husi total funcionário reformado ida-ne'e, inclui professor sira barak tebes, iha tinan 2025 ne'e hamutuk 3026 mak sei reforma. Ne'e significa katak professor sira sei menus liután, tanba ne'e husu ba IX Governo atubele aumenta força trabalho ba educação, liuhusi manorin sira. Continua ho ida-ne'e, IX Governo implementa mós Projeto de Resolução n.º 15/VI/(1.^a) - Sobre a questão dos professores da educação pré-escolar e dos ensinos básico e secundário contratados em 2023, ne'ebé Parlamento Nacional aprova iha 2024 ne'e problema aumenta nafatin. Liuliu ba ingresso especial, ba professor sira contratado 2023 ne'e, professor sira-ne'e bele fó fali aula ba estudante sira iha escola.

Iha biban ida-ne'e atu hatete tan katak política Ministra da Educação nian kona-ba mapeamento pessoal ba professor sira-ne'ebé halo transferência husi fatin ida ba fatin seluk, município ida ba município seluk, ba posto sira seluk, ida-ne'e falha total tanba la halo survey ka estudo ho di'ak, maibé halo transferência ho taka matan de'it no la cria condição própria ba professor sira.

Excelência,

Programa Merenda Escolar nian Ministério Educação tem que fó atenção no tem que controla máximo tanba orçamento ba Programa Merenda Escolar ne'e husi MAE mak halo transferência liuhusi PAM, tanba gestão ba merenda escolar, Programa Merenda Escolar (PME) nacional ba aluno hotu iha ensino básico 1.º, 2.º, no 3.º ciclo hanesan incentivo atu aumenta aluno nia presença iha escola, hasa'e aluno nia acesso ba hahán nutritivo no fó estímulo ba economia local.

Prática iha nível escola nian dala barak la tuir regra, no iha manual Programa Merenda Escolar nian particularmente, falta participação husi inan-aman, ai-han ladún di'ak, no husi Ministério Educação abandona programa ida-ne'e oinsá mak bele controla ai-han di'ak no nutritivo ba estudante sira.

Condição ba merenda escolar hanesan dapur, iha escola balu la di'ak, la iha mesa no cadeira, aluno sira han tuur de'it iha rai. Iha escola balu bee moos dificulta tebes gestor merenda escolar sira atu prepara ai-han ba aluno sira.

Gestão ba merenda escolar aat liu compara ho tinan kotuk liubá. Iha tinan kotuk, orçamento ba merenda escolar aloca direta ba escola sira liuhusi gestor, iha-ne'ebé escola rasik mak sosa ai-han, maibé agora PAM entrega direta orçamento merenda escolar ba companhia mak gere.

Escola básica central ida, ne'ebé localiza iha Posto Maubara, Município Liquiçá, antes ne'e merenda escolar la'o ho di'ak, seidauk iha intervenção husi companhia fornecedor ne'ebé fornece ai-han ba escola refere. Companhia fornece ai-han merenda escolar ba Escola Básica Central Católica João Paulo II, iha ai-han quase dodok no la saudável ona ba estudante sira, tanba ne'e, husu ba IX Governo atu investiga companhia hirak ne'ebé fornece ai-han dodok iha escola sira, hanesan fehuk ropa, modo-mutin, modo sira seluk ne'ebé quase dodok ona, koto tuan sira, no fornece de'it na'an 5 kg ba loron ida ba estudante hamutuk ema 340 iha escola refere.

Oinsá mak ita bele reduz mal nutrição enquanto menu ba merenda escolar mak contínua hanesan ne'e?

Excelência,

Tuir plano ne'ebé iha relaciona ho política IX Governo nian hodi promete atu hadi'a setor educação durante ukun, husi Bancada FRETILIN hakarak hato'o no husu ba parte Governo katak Sr.^a Ministra dehan atu hadi'a merenda escolar iha território, ho nune'e mak ami husu ba IX Governo: atu hadi'a merenda escolar to'o ona iha-ne'ebé ne'e mak escola sira nafatin hasoru problema merenda escolar, liuliu gestão merenda escola ne'ebé estabelece iha escola ida-idak?

Ami sei lembra mós, Ministra da Educação promete atu harii escola filial 12 de Outubro iha Tasi-tolu ho andar rua, processo construção la'o to'o iha-ne'ebé ona?

Política Sr.^a Ministra da Educação nian mós atu construi tan sala aula hamutuk 1000 iha tinan ida nia laran no husu ba IX Governo atu hato'o hela ba Deputado sira: iha tinan 2024 tinan kotuk ne'e halo ona sala de aula hira iha território Timor-Leste tomak?

Atu conclui, ami haree ba evicção ne'ebé IX Governo halo, liuhosi SEATOU, ne'ebé sobu comunidade sira iha Díli laran no fó imagem la di'ak ba criança sira, liuliu estudante sira-ne'ebé lakon sira-nia estudo, comunidade afetada evicção forçada ho estragos hamutuk uma 288 iha Fomento II, ida-ne'e la'ós de'it estraga comunidade sira, maibé Governo mós estraga futuro foin-sa'e sira-nian tanba foin-sa'e sira mak lakon sira-nia estudo no foin-sa'e sira la iha fatin próprio atu estuda. Tanba

Governo ida-ne'e la iha ona sentimento humano mak estraga estudante sira-nia futuro no continuação ida-ne'e impacto boot no impacto tebes ba estudante sira quase liuliu ne'ebé hetan evicção».

Obrigada barak.

Sr.^a **Presidente**: — De seguida, ha'u fó tempo ba Bancada do KHUNTO.

Sr. **Luís Roberto da Silva** (KHUNTO): — Obrigado, Presidente.

Bom dia ba Ita-Boot, composição da Mesa, Excelência Sr. Vice-Ministro dos Assuntos Parlamentares, colega Deputado no Deputada sira hotu, audiência tomak no ba povo doben Timor-Leste mak ami tane no hakru'uk nafatin.

Excelência Presidente Parlamento Nacional no composição da Mesa tomak, Excelência Vice-Ministro dos Assuntos Parlamentares, colegas distintos Deputados, mídia pública no privada ne'ebé halo cobertura iha Plenária Uma-Fukun, Parlamento ida-ne'e, povo doben Timor-Leste, saudações fraternais ba ita hotu.

Excelência,

Ohin loron Bancada KHUNTO hakarak reafirma ninia posição ne'ebé povo Maubere questiona, kona-ba lista veterano, evicção ba povo, estrada no eletricidade.

Ita hatene katak nação Timor Lorosa'e atu hetan independência liuhosi processo naruk, ne'ebé sacrifica ema wa'in ba wa'in mak mate, hodi ruin no raan ne'ebé naklekar iha Pátria Maubere ida-ne'e no ikusmai bele hetan ukun rasik an.

Veterano no mártir sira husi libertação nacional lori espírito sacrifício, serbisu iha coletivo, dedicação ba meta, disciplina iha tempo susar no exemplo loloos kona-ba buat ne'ebé precisa hodi harii Nação ida que forte, resiliente no próspera. Sira-nia contribuição durante tempo naruk no luta tinan barak hodi forma ita-nia Nação no fó inspiração ba ita foin-sa'e sira atu serbí di'ak ba Rai doben ida-ne'e, ho nune'e mak Estado RDTL hatuur ona iha Constituição, iha artigo 11.º, hodi reconhece no valoriza, fó valor ba povo Maubere nia resistência secular hasoru rai seluk nia dominação no ba sira hotu ne'ebé luta ba independência nacional nia contribuição, nune'e consagra ona iha Lei n.º 3/2024, 12 de junho, kona-ba estatuto dos combatentes libertação nacional nian.

Liga ba lista veteranos ne'ebé Ministério para os Assuntos dos Combatentes da Libertação Nacional publica iha dia 15 de janeiro de 2025, hamosu injustiça iha povo nia leet, liuliu ba inan-aman sira-ne'ebé dedica an ba Rai RDTL ida-ne'e tanba lista refere la reflete ba sira-nia participação luta nian, no hetok liután mak jovem balu ne'ebé moris iha 1975 no 1993 hetan 15 a 19, no menos três anos participação luta nian.

Iha sorin seluk mós, iha artigo 27.º Lei n.º 3/2024, kona-ba Estatuto dos Combatentes da Libertação Nacional, ko'alia kona-ba pensão sobrevivência hatete katak ema ne'ebé iha direito hanesan herdeiro

mak mártir nia feen no oan sira, significa katak mártir sira-ne'ebé mate jovem ka la iha oan, então nia inan no aman ka maun-alin la hetan direito ba pensão refere.

Atu dehan katak lei refere cria hela injustiça boot ba povo Maubere ida-ne'e tanba lei ne'e la fó ba povo tuir saida mak Professor Satjipto Rahardjo hatete, iha lian indonésia, maluk sira: *«hukum itu untuk membahagiakan rakyat, dan, ketika hukum itu tidak membahagiakan rakyat, itu bukan namanya hukum»*.

Ho nune'e, husi Bancada KHUNTO, atan-ha'u rasik hamosu pergunta ida ba Governo no ba ita hotu: Explica mai ami, Bancada KHUNTO, tanbasá mak ema moris iha 1975 bele hetan 15 a 19 anos? Tuir ita-nia pensamento lógico katak ema ne'e ho tinan 9 nia participa ativo ona luta da libertação, ne'e irónico uitoan.

Segunda pergunta maka ne'e: tanbasá mak artigo 27.º Lei n.º 3/2024, Estatuto dos Combatentes da Libertação Nacional, kona-ba direito ba pensão de sobrevivência inan-aman no maun-alin la iha direito atu hetan? Será que la contradiz ho conceito herdeiro ne'ebé estipula ona iha código civil?

Ita hatene katak conceito herdeiro ne'ebé dehan katak ema ne'ebé iha direito legítimo ba herança mak descendente, ascendente no mós nia feen sira, será que Lei n.º 3/2024, la contradiz ho princípio direito herdeiro? No tanbasá mak lei refere la harmoniza tuir código civil ne'ebé iha?

Ne'e duni, husi Bancada KHUNTO, ami husu ba IX Governo Constitucional atu tetu didi'ak hodi halo fali reverificação ka reavaliação ba lista veterano no combatente sira-ne'ebé registo iha tinan 2009. Além de ida-ne'e, husu ba CAC atu tun direta hodi halo investigação didi'ak ba lista hirak ne'e.

Excelências,

Iha tinan 2025, hodi celebra Tinan Foun, IX Governo, liuhosi SEATOU, fó presente Tinan Foun ba povo ho natureza repressão, evicção ou *gusur* povo sira-nia hela-fatin iha mota-ninin no tasi-ninin iha Fomento no Bebonuk.

Situação ida-ne'e hamosu reação pró no contra husi sociedade ho classe oioin. Governante sira hatete: «mota mak iha uluk ka imi mak hela uluk?», hodi fó culpa de'it ba povo kbiit-laek sira. Tuir loloos, hamosu pensamento crítico hanesan tuirmai ne'e: tansá tinan 23 ukun rasik an povo sei hela iha mota-ninin? Tansá mosu hakarak buka moris no hala'o moris iha cidade Díli, la'ós iha foho? Estado bele garante moris-di'ak povo nian bainhira sira fila bá foho? Oinsá continuação labarik no jovem sira-nia estudo no atividade sira seluk? Bainhira fila bá foho, oinsá inan-aman, labarik feto no mane sira-nia condição física, social no económica bainhira sira husik sira-nia hela-fatin? Sá condição mak Governo prepara ona hodi garante cidadão hirak-ne'e bele halo sira-nia moris no goza sira-nia direito nu'udar ema, nu'udar cidadão iha Estado de direito ida-ne'e? Ka iha ona condição ne'ebé Governo Dasiak prepara ona ba sira?

Hela-fatin ne'ebé digno nu'udar direito constitucional ne'ebé consagra ona iha artigo 58.º Constituição RDTL no Estado ne'e ratifica tratado oioin, maibé tratado hirak-ne'e folin-laek tanba

SEATOU, ho nia política repressiva, duni povo hanesan loloos povo ne'e la iha direito ba cidade rasik.

Então, Governo husik nia responsabilidade nu'udar portador dever ba direitos humanos, ne'ebé tuir loloos assegura no protege atu labele iha violação ba direitos humanos no direito cidadão sira-nian, tanto violação vertical no horizontal.

Consequência husi povo la iha hela-fatin ne'ebé digno hafoin tinan 23 ukun rasik an ne'e mai husi resultado decisão política ne'ebé falta durante ne'e. Povo labele hakonu nia direito económico no social, inclui direito nu'udar cidadão iha foho. Exemplo mak la iha campo de trabalho iha foho, la iha universidade iha foho, infraestrutura sira iha foho iha condição miséria, em geral la iha sistema sócio-económico no político ne'ebé di'ak iha município sira hodi bele tulun hakonu direito povo nian.

Resultado husi ida-ne'e halo urbanização mai iha capital Díli boot liu. Ida-ne'e mak afeta ba hela-fatin la to'o no problema social seluk, no mós balu tem que foti risco hodi hela iha mota-ninin, fohololon no tasi-ninin.

Excelência sira hotu, Timor-Leste ukun an tinan 23 ona nu'udar Estado de direito democrático, ne'ebé hatuur povo mak na'in ba soberania ida-ne'e, ne'ebé consagra iha artigo 2.º n.º 1, Constituição RDTL 2002. Maski povo mak na'in ba soberania ida-ne'e, maibé povo nafatin tanis, halerik ba moris ida-ne'e, enquanto ida-ne'ebé hetan cargo iha Estado RDTL tuur hamnasa, haklalak, la'o passiar ba rai-li'ur tanba ita la sente problema ida-ne'e.

Povo Maubere sei hasoru problema infraestrutura básica hanesan eletricidade, estrada no bee moos.

Iha Knua Kamulala, Aldeia Kaidenulale, Suco Osoala, Posto Administrativo Vemasse, Município Baucau, quase povo uma-kain 40 sente katak ukun an ba sira seidauk hetan tanba povo la iha acesso ba eletricidade no bee moos ka povo sira sei moris iha nakukun laran. Além de ida-ne'e, povo sei enfrenta hela estrada ne'ebé uluk halo de'it *pengerasan* no agora daudauk aat hotu ona, bainhira udan, dificulta povo la bele lori produto local ba mercado tanba estrada ...

Sr.^a **Presidente**: — Muito obrigado.

Sr. **Luís Roberto da Silva** (KHUNTO): — ... Atu conclui, Sr.^a Presidente. Nune'e husu ...

Sr.^a **Presidente**: — Tempo hotu ona.

Sr. **Luís Roberto da Silva** (KHUNTO): — ... ba Sr. Vice-Ministro dos Assuntos Parlamentares hodi encaminha hela preocupação povo nian ba ministério relevante hodi bele fó solução ba problema hirak-ne'e.

Tukan ba ne'e, rohan ba ne'e.

Mai ita hamutuk tane ita-nia ema, tane ita-nia Rain no tane ita-nia lisan».

Obrigado.

Sr.^a **Presidente**: — Distintos Deputados, molok fó ba Bancada do CNRT, regista ona 26 Deputados, ha'u taka ona inscrição, já fechei, Sr. Deputado, ne'ebe labele hein to'o ikus mak regista. Tuir loloos, Deputado sira segunda e terça to'o iha-ne'e foti liman, sé mak hakarak intervém, selae ha'u susar atu halo gestão de tempo.

Ne'ebe, de seguida dou a palavra à Bancada do CNRT.

Sr.^a **Virgínia Ana Belo** (CNRT): — Obrigada, Sr.^a Presidente.

Bom dia ba Ita-Boot, Vice-Presidentes, colegas distintos Deputados, Sr. Vice-Ministro dos Assuntos Parlamentares no mós ba povo doben Timor-Leste.

Ohin, Bancada CNRT hakarak responde polémica evicção ne'ebé hala'o husi IX Governo Constitucional, liuhosi Secretaria de Estado dos Assuntos da Toponímia e da Organização Urbana (SEATOU), hasoru ocupantes domínio público, rai Estado no fatin risco sira iha Díli no município sira.

Antes hahú, hakarak fó apreciação ba Governo ne'ebé, liuhosi Autoridade Município Díli no SEATOU, foti ona medidas rápidas hodi evacua no halo evicção ba população sira-ne'ebé hela iha fatin risco.

Bancada CNRT compreende katak evicção ne'e hamosu daudaun insatisfação ba público, liuliu ocupante sira. Mesmo nune'e, ocupante sira colabora ho SEATOU em cooperação ho autoridade município no autoridade local sira, tanba ne'e Bancada CNRT hakarak expressa ninia agradecimento ba população sira hotu ne'ebé comporta ho maturidade, matenek no colabora, hodi hakru'uk ba regras no lei ne'ebé vigora.

Simplesmente, evicção la'ós de'it atu hadi'a no halo furak cidade, maibé importante liu mak hasees população sira husi fatin risco da vida no evita ocupação rai Estado nian, nune'e Estado bele gere hodi utiliza ba interesse comum.

Apenas Governo ida-ne'e compromete atu ordena cidade tanba Díli, hanesan capital Nação, tem que promove segurança natureza ho espaço circulação no absorção udan-been para iha espaço verde, hodi nune'e sai motores de crescimento económico ba Timor-Leste.

Povo doben Timor-Leste, Excelências,

Kaer ba Decreto-Lei n.º 33/2008, no primeira alteração ba Decreto-Lei n.º 3/2024, sobre Higiene no Ordem Pública kona-ba organização espaço público, proibições no sanções, inclui Lei Base de Ordenamento do Território kona-ba plano espacial cidade urbana, Bancada CNRT haree katak lei

hirak-ne'e mak fó dalan atu revitaliza sistemática cidade urbana sira, impõe restrição tuir fase no integrado ho coordenação entre setores ne'ebé iha impacto ba utilização rai.

Ita hotu acompanha didi'ak tempo naruk, espaço público barak mak informalmente privatiza husi cidadão sira, ação deliberada ocupação área risco, liuliu iha mota laran, sai tiha fenómeno ida-ne'ebé preocupantes tebes.

População sira mós harii uma iha área pública sira-ne'e halo capital Díli no cidade município sira desorganizada. População balu harii uma iha *trotuar* no valeta leten, halo construção iha foho-lolon, harii uma iha mota laran, mota-ninin, tasi-ibun no construção ilegal lubun ida iha rai Estado nian. IX Governo Constitucional lakohi atu sacrifica ninia povo, ne'e afirmado iha Programa do Governo, hodi implementa plano de execução urbanística relação ho impacto ba utilização rai no ordenamento espacial iha tinan lima nia laran.

Ami hakarak dehan katak ocupação espaço público no rai Estado sei prejudica processo gestão no ordenamento construção estrada no ponte, canalização bee moos no distribuição energia elétrica ba população sira, enquanto hela iha mota laran sei fó risco ba povo nia vida, bainhira volume udan been boot sei hamosu estragos no mosu desastre natural hanesan acontece iha dia 4 de abril de 2021, ne'ebé resulta mais de 100 pessoas mate.

Iha momento ne'ebá povo maioria halerik ba Maun Boot Kay Rala Xanana Gusmão hodi husu tulun, maski iha tempo ne'ebé Maun Boot la kaer ukun. Ho acontecimento hirak-ne'e mak motiva IX Governo Constitucional ho obrigação moral atu hasees povo husi risco da vida, hadi'a no organiza hikas capital País nian.

Povo doben Timor-Leste, Excelência sira, ami consciente, evicção sai tiha ona mercadoria política, oposição sira aproveita hodi caça votos, suporta husi distorção informação ne'ebé comete husi mídia propaganda, ativista ONG no academista balu ne'ebé mobiliza opinião pública atu povo labele obedece ba leis.

To'o iha nível ida-ne'e, Bancada CNRT bele conclui katak político balu ladún sensível haree evicção nu'udar prática normal. Governo halo gestão ba utilização rai tuir lei, salva domínio público ba interesse comum no evita população sira halo construção iha áreas risco, hanesan iha fomento II, Bebonuk, Bidau Santana no seluk tan.

Agora daudauk desastres naturais acontece iha rai barak, incluindo país avançado sira, inundação no rai monu iha fatin-fatin, tanba ne'e Governo tem que antecipa duni. Hakarak atu dehan, antes halo evicção, SEATOU halo uluk ona averiguação kona-ba número ocupantes no plano evacuação ba população ne'ebé hela iha fatin refere, tanba ne'e, Bancada CNRT husu atu labele politiza assunto hirak-ne'e. Evicção ne'e ba interesse comum, la'ós interesse político, indivíduo ka grupo ninian.

Ho ida-ne'e, Bancada CNRT foti posição hanesan tui mai:

1. Lamenta no triste tanba Deputado balu ne'ebé la iha paciência, impõe serbisu Governo nian iha terreno. Prática ne'e foun, desde tinan 20 existência Parlamento Nacional, pela primeira vez Deputado, ho ansiedade, hakarak foti papel Governo nian;

2. Evicção nu'udar opção adequada.

Além de aplicação leis, por outro lado, ne'e mós medida preventiva ba privatização domínio público no salva população husi área risco sira iha futuro;

3. CNRT iha visão ne'ebé hatuur ona iha Programa IX Governo Constitucional. Bainhira hetan confiança husi povo, CNRT assume responsabilidade atu hadi'a no protege povo nia moris, la'ós hanesan partido balu ne'ebé halo manutenção votos hodi sustenta atos incumprimentos ba lei, no, pior liután mak hakarak povo desorganizado ho orienta fali população hodi desobedece ba Governo hala'o serbisu ba povo no rai doben Timor-Leste;

4. Deputado balu ignorante, ko'alia defende ocupantes espaço público no área risco sira. Sira la hatene conteúdo husi lei ne'e rasik, Deputado sira usa fali Lei Expropriação ba Estado nia propriedade. Bancada CNRT hakarak dehan, lei ida-ne'e só usa ba ema nia propriedade privada, la'ós ba rai Estado nian, ne'ebé Estado precisa rai privado atu usa ba interesse comum. Ninia mecanismo mak, antes de expropria rai privado, tem que halo negociação entre Estado no rai-na'in, no Estado tem que fó indemnização ho justo tuir artigo 3.º Lei Expropriação nian;

5. Tuir Decreto-Lei Higiene no Ordem Pública, bando atu ocupa no utiliza domínio público no rai Estado nian. Maibé, bainhira hakarak usa, tem que husu licença husi autoridade pública competente sira. Tuir decreto-lei ne'e, hatete mós katak sé mak contra decreto-lei ne'e Estado tem que aplica sanção, hanesan coima, ba ne'ebé halo ocupação ilegal ba propriedade Estado nian ne'ebé fó impacto ba ordem pública, risco da vida no impõe desenvolvimento país nian.

Maibé, Governo ida-ne'e la fó compensação. Tanba iha sentimento humano maka'as liu, inclui tetu mós condições economia povo nian agora, então Governo aplica decreto-lei ne'e diverso, pelo contrário, la'ós ocupante sira mak selu coima ba Estado tuir lei haruka, maibé Estado, liuhosi IX Governo Constitucional, recompensa hikas ema hirak ne'ebé viola lei.

Atu termina, Bancada CNRT apela ba população sira atu labele ocupa domínio público no hela iha áreas risco da vida no rico-soin. Hanesan Governo, iha responsabilidade hodi localiza população sira husi mota laran obrigatoriamente tanba agora daudaun tempo udan no volume bee mota boot, nune'e resulta erosão mota-ninin. Hanesan mós, bainhira Governo halo execução ba ordenamento cidade, Governo sei impõe restrições equivalentes. Ba rai privado Governo sei halo expropriação ba rai no uma, ne'e katak proprietário privado sira sei iha direito ba indemnização tuir lei haruka.

Mak ne'e de'it, Sr.^a Presidente, “Fiar an La'o ba Oin”.

Díli, 20 de janeiro de 2025

Presidente da Bancada do CNRT,
Deputado Duarte Nunes».
Obrigada, Presidente.

Sr.^a **Presidente**: — Muitíssimo obrigada.

Distintos Deputados, ha'u sugere dala ida tan, tanba declarações políticas abrange quase matéria hotu, Regimento fó dalan para debate com os membros do Governo.

Ita hahú 2025 identifica matéria dominante ne'ebé foti iha Plenário ida-ne'e, ita halo debate ho membros do Governo, e o Sr. Vice-Ministro explica ona iha-ne'e, o membro do Governo está pronto. Maibé, se ita la iha iniciativa, ha'u labele tuur-tuur bolu membro do Governo mai debate. Debate ba saida? Modalidade iha-ne'e iha, ne'ebe kaer ba modalidade, ita halo debate ho membro do Governo, foin ikus mak ba fiscaliza hodi verifica, loos ka lae.

Ne'ebe, distintos Deputados, ita termina ona, ita tama ba intervenções diversas dos Senhores Deputados.

Ita hahú ho Sr.^a Deputada Cedelízia Faria dos Santos.

Sr.^a **Cedelízia Faria dos Santos** (CNRT: — Muito obrigada, Sr.^a Presidente.

Ha'u-nia bom dia no respeito ba Ita-Boot, composição da Mesa, distintos Deputados, Excelência Vice-Ministro dos Assuntos Parlamentares, audiência ne'ebé acompanha, mídia, maluk rona-na'in Rádio Parlamento Nacional no povo doben Timor-Leste.

Uluknanain, ha'u cem por cento secunda declaração política husi Bancada CNRT nian kona-ba evicção, no ha'u mós hakarak fó parabéns nafatin ba IX Governo, liuhosi SEATOU, ne'ebé ho sucesso realiza evicção iha fatin lubuk ida. Ema sira-ne'ebé durante ne'e ibun-boot hodi hatene protesta de'it mós agora começa usa daudauk ona, mak hanesan estrada Aitarak Laran Palácio Presidente nia oin, estrada Ai-Mutin, estrada Bebonuk, estrada Comoro direção estátua Nicolau Lobato to'o Tasi-Tolu, estrada Delta II no seluseluk tan, la'ós hanesan VIII Governo ne'ebé sobu ponte Becuse – ha'u-nia uma mós besik iha-ne'ebá – maibé la hatene construi fali to'o ukun ne'e remata.

Excelência Vice-Ministro, ha'u preocupa uitoan ho carreta camioneta boot sira-ne'ebé ho *plat DH* husi Indonésia, ne'ebé to'o agora sei tama nafatin ba ita-nia Rain. Excelência, foin daudauk iha fim-de-semana ne'e ami halo atividade iha Município Bobonaro, ita acompanha, carreta sira-ne'e barak tebetebes. Iha Porto Tibar mós carreta sira-ne'e pára formatura naruk boot ida iha-ne'ebá. Ita-nia estrada ita foin mak halo, ita la iha *jalan tol* hanesan ema nian, carreta boot sira tama karik selu lerek estrada sira-ne'e ho osan balu, ida-ne'e nia tama estrada sira-ne'e la selu buat ida. Ha'u la hatene ita-

nia parte fronteira ne'ebá ne'e carreta boboot sira sobu para haree to'ok saida-saida mak iha carreta laran ne'e ka lae.

Ida-ne'e horibainhira Excelência Ministro dos Transportes e Comunicação promete ona dehan atu halo decreto-lei ida atu hadi'a sasán sira-ne'e, maibé ha'u la hatene to'o agora nina processo to'o iha-ne'ebé ona. Ita acompanha, carreta sira-ne'e tama, até iha Maliana ne'ebá, estrada foin mak halo hela, nia ba mout tan tiha de'it iha-ne'ebá, ita triste tebetebes. Ha'u espera katak decreto-lei ida be VIII Governo halo wainhira sira hatama Cesta Básica ne'e hodi estraga tiha sasán sira-ne'e, halo favor ida, IX Governo hadi'a tiha bá! Excelência Vice-Ministro, ami precisa Ita-Boot nia resposta kona-ba ida-ne'e.

Tuirmai, Excelência Vice-Ministro, ha'u concorda tebes ho ita-nia orçamento PNDS ne'ebé tau ona ba município, maibé ami preocupa ho nia qualidade. Wainhira ami, Comissão C, halo ami-nia fiscalização ba Uma Kbiit Laek, estrada no ponte sira-ne'ebé halo usa osan PNDS, nina qualidade ne'e ita questiona tebetebes. Uluk nacional mak sei kaer no município mak implementa, agora ne'e ita fó direta hotu iha-ne'ebá ona ne'e halo nu'ussá? Ami husu, karik bele, Estatal bele cria equipa técnica ida para bele bá fó apoio. Ita haree, em termos de qualidade osan tau ona mas qualidade ita la garante, sasán sira-ne'e lailais de'it aat ona.

Ami-nia experiência ida mak ponte ida-ne'ebé ba distinta Deputada Nina Rangel nia fatin ne'e, ponte ne'e halai kle'uk fali, mota halai ba sorin ponte halai fali ba sorin, ida-ne'e ita questiona. Inclui mós qualidade ba Uma Kbiit Laek, estrada ne'ebe uluk halo ona, ne'ebe, ami husu tau hela questão ida-ne'e, se bele ita harii equipa ruma para bele controla qualidade PNDS nian.

Ikusliu, ha'u mós preocupa kona-ba eletricidade, Excelência Vice-Ministro. Ita tau hela Presidente EDTL ida be desde VIII Governo to'o agora nia nafatin hela de'it ne'e nia serbisu ne'e halo saida de'it? To'o agora eletricidade ne'e lakan mate, lakan mate. Mate ne'e mate loos de'it ona ba, agora mate tiha uitoan lakan tiha, mate tiha uitoan lakan tiha, ne'ebe, ha'u questiona Presidente EDTL nia serbisu. Ha'u husu ba Ministro das Obras Públicas atu haree liderança sira hanesan ne'e. Será que liderança sira hanesan ne'e ita sei mantém nafatin to'o agora ka iha política ba oin halo nu'usá? Se serbisu di'ak, ita mantém, serbisu la di'ak, ita mós tem que questiona. Ne'ebe, ami husu ba Ministro das Obras Públicas, hanessan representante povo, tanba questão ahi mate no sasán estraga ne'e ema hotu preocupa ona, ha'u questiona liderança Presidente EDTL tanba ita halo I.P. E.P. ona ne'e nia serbisu ne'e saida de'it, Excelência. Ne'ebe, favor ida, tau atenção ba ida-ne'e.

Obrigada.

Sr.^a **Presidente**: — De seguida, dou a palavra à Sr.^a Deputada Lúcia Norberta.

Sr.^a **Lúcia Norberta dos Santos Martins** (FRETILIN): — Obrigada, Sr.^a Presidente.

Bom dia ba Ita, ba Mesa, ba Vice-Ministro, colegas Deputados no maluk rona-na'in sira hotu.

Uluknanain, hakarak secunda declaração política Bancada nian.

Iha semana kotuk ami simu duni reclamação barak husi professor sira husi Escola Básica n.º 1, 2 e 3 Aldeia Raenaba, Suco Gugleur, ne'ebé halo baliza ho Suco Vaviquinia. Total alunos ne'ebé escola iha-ne'ebá 340, maibé iha de'it professor permanente na'in-neen. Husi na'in-neen ne'e ba 3.º ciclo só iha de'it professor rua mak hanorin.

Aat liu mak ba programa merenda escolar, tanba ami simu informação ida-ne'e husi sira, professor sira telefone ba equipa gestão programa husu atu ba haree sasán ne'ebé companhia fó, maibé equipa gestão programa la fó, ho nune'e mak professor sira decide la fó hahán sira-ne'e ba aluno sira. Iha fehuk roupa ne'ebé dodok loos, ami iha evidencia iha-ne'e, ami ba haree ho matan, fehuk roupa ne'e dodok tebetebes, então professor sira ta'uk, keta halo fó han, estraga ita-nia oan sira-nia saúde, então sira decide la fó. Sira bolu nafatin equipa gestão, maibé equipa gestão la fó. Aat liután mak ita dehan merenda escolar ne'e atubele fó netik nutrição ida di'ak ba ita-nia oan sira, mas acontece que ba estudante 340 ne'e lora ida sira han na'an karau 5 kg, primeiro dia han na'an karau isin, segundo dia han na'an karau ruin 1 kg, e, koto ne'ebé fó ne'e koto tuan. Senhora cozinheira ne'ebé serbisu iha-ne'ebá ne'e na'in-rua de'it, ne'ebé te'in ba estudante 340. Sira dehan katak «tinan kotuk liu, quando cozinheira sira mak bá hola, bele haree koto ne'ebé foun. Agora, ho modalidade ne'ebé equipa gestão halo, bá hola koto tuan ida-ne'ebé da'an to'o tiha horas tolu ou horas haat mós koto ne'e la nakfera ida, nem *kental*. Então, hatún tan fali na'an 5 kg, na'an ruin bá ne'e, suru bá tau ba labarik sira-nia bikan ne'e depende sorte de'it, balu hetan na'an ruin duni, balu la hetan, kala hetan koto, balu la hetan, hetan aat liu koto been de'it para nune'e hodi halo netik etu ne'e labele maran». Ne'e situação ida-ne'ebé acontece.

E depois, kona-ba bee, bee moos la iha. Tuir loloos ne'e fó merenda escolar fó mós bee, maibé bee la iha, então inan-aman sira, ne'ebé hanesan mós cozinheira, mak tem que esforça an ba lalin bee hodi nune'e bele mai hatama hodi te'in hahán.

Ida fali tan, ai-sunu mós la iha. Ai-sunu iha-ne'ebá professor sira-ne'e, ho laran luak tebetebes, adjunto ho professor sira balu, hasai osan 10 USD hodi bá hola ai-sunu mai hodi nune'e bele te'in hahán, então, equipa gestão programa husi Município Liquiçá nian to'o agora bolu bá la bá ida. To'o ikus ami bá investiga didi'ak, sé mak fornece ami foin hatene, «oh, ema ne'e mak ida-ne'e», ne'ebe, envolve iha questão barak kona-ba ocupa rai Estado, buat ida kona-ba veteranos nian, agora tama tan merenda escolar, hun ida de'it. Ne'e realidade mak ida-ne'e.

E Escola Básica n.º 1, 2 e 3, Aldeia Raenaba nia paralelo ida iha Suco Vatuboro, iha parte Loes nian, nia total alunos ne'e 159 pessoas, e sé mak haree ne'e madre ISMAIC (Instituto Secular Maun-Alin iha Cristo) sira. Sira tinan rua ona – escola ida-ne'e aat liu – la acesso ba merenda escolar, então escola EBC Raenaba, Suco Gugleur nian, mak halo fali gestão, professor sira halo fali, hodi nune'e

bele iha netik foos ruma lori bá. E professor sira mós iha iniciativa rasik hola manu-tolun *rak* iha Loes, hola hotu fahe ba rua, metade iha Raenaba han, aldeia Raenaba nia escola 1.º, 2.º e 3.º ciclo han, metade fó ba Loes. Ida-ne'e realidade ne'ebé acontece.

Quando iha Plenária ita foti, ha'u lakohi para ida be educação husi município sira bá hanesan sacrifica ema ne'e. Realidade ne'ebé iha di'ak liu haree hadi'a, lalika ida be bá, bá dehan evita, taka ema nia lian labele ko'alia. Professor sira ko'alia tanba de'it realidade, sira bolu EGP, EGP nem ida mak tun bá. Ne'ebe ami husu, se bele, haree ba questão ida-ne'e.

Ida seluk fali, kona-ba evicção ne'ebé halo, povo, ema hotu-hotu iha pró ou contra ba evicção, maibé evicção ne'e buat ida que ita haree katak Estado tem que desenvolve, e tem que haree mós kona-ba situação ida-ne'e, hodi nune'e halo ordenamento. Maibé, buat ida-ne'ebé acontece ne'e, la'ós atu compara, atu hatete de'it katak ema ne'e mak tem que sai centro ba desenvolvimento. Ita, quando hasai ema ida, sira ida vítima evicção ne'e mós apoia, sira dehan katak sira hakarak contribui ba desenvolvimento, ne'ebe la iha ema ida mak dehan katak la contribui, só que tratamento ida la digno ba sira-ne'ebé vítima ne'e mak ladún di'ak. Nu'usá mak la halo hanesan, por exemplo, iha VIII Governo? – Ita la'ós ko'alia... tanba Deputado sira husi bancada Governo dehan «sempre iha continuidade» – Iha VIII Governo, quando halo, hasai população sira bá aluga uma *kos*, tau sira ho digno, hein to'o iha tempo mak hasai sira.

Dehan contribui ba desenvolvimento, iha Rai-Kotu nian, quando hasi mós la iha população ida mak halo protesto...

Sr.^a **Presidente**: — Muito obrigada, Sr.^a Deputada. Cinco minutos!

Sr.^a **Lídia Norberta dos Santos Martins** (FRETILIN): — Sim, ba Liquiçá nian...

Sr.^a Presidente desliga Sr.^a Deputada ne'e nia microfone.

Sr.^a **Presidente**: — De seguida, ha'u fó tempo ba Sr.^a Deputada Sancha Tilman.

Sr.^a **Sancha Margarida Tilman** (PD): — Di'ak, obrigada.

Excelência Sr.^a Presidente Parlamento Nacional no composição da Mesa, Excelência Vice-Ministro dos Assuntos Parlamentares, distinto Deputado sira hotu no maluk rona-na'in Timor-Leste mak ha'u hadomi, bom dia ba ita hotu.

Iha dadeer ida-ne'e ha'u hakarak reforça filafali tan intervenção ne'ebé ha'u foti iha semana kotuk liga ho estrada iha Posto Administrativo Fohorém.

Iha semana kotuk ha'u foti tanba ha'u simu *SMS (Short Message Service)* husi comunidade Posto Administrativo Fohorém. Depois de ida-ne'e, iha sexta-feira semana kotuk ha'u halo visita eleitoral ba iha comunidade Fohorém, ha'u tun diretamente ba terreno, haree estrada refere ne'ebé ha'u foti iha-ne'e, estrada refere aat tebes, nia condição kuak hotu wainhira udan tun, e povo la bele halo movimentação iha estrada refere, e nune'e comunidade sira, composto husi autoridade local, maluk sira husi paróquia no sira seluk mak koko atu aterra estrada refere ho sira-nia kbiit ne'ebé iha, nune'e sira usa de'it rai mak aterra, nune'e wainhira udan tun, udan bele lori filafali rai ne'e, e nafatin dificulta movimentação ba comunidade sira hotu.

Comunidade sira mós husu ba Ministério das Obras Públicas atubele orienta IGE atubele normaliza estrada refere no mós halo valeta, nune'e bele salva, quando udan tun la bele ke'e nafatin estrada. Sira nafatin husu, exige ba Ministério das Obras Públicas atu orçamento ne'ebé aprova ona bele implementa iha tinan ida-ne'e hodi bele hadi'a estrada refere, tanba durante ne'e sira husi companhia ka husi Governo rasik halo estudo no bá foti dados iha estrada refere, maibé to'o agora ne'e só estudo de'it, sira seidauk implementa programa ba estrada refere, e nune'e dificulta nafatin sira.

Nune'e mós iha estrada Lolotoe nian, foin daudauk, iha semana kotuk iha ambulância multifunção ida transfere ai-moruk husi Maliana ba Lolotoe, maibé la consegue ultrapassa ba Lolotoe tanba estrada aat hotu, e nune'e ai-moruk refere sira transfere fali ba carreta ka transporte seluk maka lori bá Lolotoe. Nune'e husu ba Ministério das Obras Públicas, ba orçamento ne'ebé mak agora daudauk aprova, atubele sério iha implementação, hahú husi semestre ida agora ba to'o tinan ne'e remata, ho nune'e comunidade sira mós bele sente benefício husi orçamento ne'ebé ita aprova iha Parlamento ida-ne'e, nune'e sira bele halo sira-nia movimentação loroloron ho di'ak, nune'e sira mós bele sente tebes saida mak Parlamento ida-ne'e halo.

Obrigada barak.

Sr.^a **Presidente**: — De seguida, ha'u bolu kedas Sr. Deputado Marcos Soares Martins.

Sr. **Marcos Soares Martins** (CNRT): — Obrigado ba oportunidade.

Respeito ba Presidente Parlamento Nacional, Vice, Secretárias da Mesa e distinta e distinto Deputado sira hotu, Vice-Ministro dos Assuntos Parlamentares, mídia, inan-aman sira hotu, loron di'ak ba ita hotu.

Ba primeiro, ha'u atu secunda declaração Bancada CNRT nian ligada ba evicção. Louva ita-nia Sr. Secretário de Estado ne'ebé halo ona serbisu, *konsisten, tegas* no mós la hakiduk bá kotuk, hein katak tinan ida-rua mai Díli sei iha espaço para ita bele la'o ho livre.

Segundo, atu hatutan hela comunidade Ermera nia pedido ida ba Sua Excelência atubele hato'o hela ba Conselho de Ministros hodi bele halo transformação escola *ETCI (East Timor Coffee Institute)*

husi privada ba pública. Ba informação detalhada, ami sei entrega pedido ida-ne'e ba Excelência atubele hato'o hela ba Sua Excelência sira iha Conselho de Ministros.

Terceiro, secunda mós Deputada Lízia ne'ebé questiona kona-ba eletricidade, ne'ebé quase mate loron ida dala tolu, dala haat, e halo povo sira preocupado. Tanba ne'e maka, ligado ba ida-ne'e, husu ba Secretário de Estado e Presidente E.P. eletricidade nian atubele visita município sira-ne'ebé enfrenta ahi mate kalan-loron, hodi nune'e bele rona diretamente problema ne'ebé ita-nia funcionário EDTL sira enfrenta, tanba, quando ita iha-ne'e de'it, ita la hatene saida mak problema, ita exige, tau sala nafatin ba ita-nia funcionário sira iha EDTL, maibé sira enfrenta hela problema boot, ida-ne'ebé Governo mak sei bele resolve.

Quarto, husu ba IGE atu normaliza estrada husi Eraulu Goulolo, direção ba Atsabe.

Quinto, ligado ba declaração Bancada FRETILIN nian kona-ba merenda escolar ne'ebé fornece koto tuan ka modo dodok ba estudante sira, husu ba Ministra da Educação atubele troca tiha GAP sira ne'ebé fornece ai-han aat ba estudante sira, husu ba Ministra atu troka ho urgentemente.

Provisoriamente, mak ne'e de'it.

Obrigado barak.

Sr.^a **Presidente**: — De seguida, ha'u fó tempo ba Sr. Deputado Florentino Ximenes.

Sr. **Florentino Ximenes da Costa «Sinarai»** (FRETILIN): — Excelência Presidente do Parlamento Nacional, composição Mesa, distintos Deputados, mídia nacional, povo doben Timor-Leste, camarada Buibere no Maubere sira hotu, dadeer di'ak no dadeer kmanek ba ita hotu.

Secunda declaração Bancada FRETILIN nian atu hatete de'it, iha 2006, nune'e mós iha campanha 2023, Sr. Xanana, hanesan Presidente do Partido CNRT, promete ba eleitor sira katak se CNRT manán, sei dada kadoras mai Timor-Leste. Depois de ukun tiha, iha debate Orçamento Geral do Estado de 2025, Sr. Xanana Gusmão ho nia ministro ida dehan katak «mina nia iis ita horon daudauk ona». CNRT nia Deputado ida mós dehan, «2026 ita sei kuru nia bidón primeiro».

Husi fali sorin seluk, Sr. Primeiro-Ministro, Kay Rala Xanana Gusmão, foin bá halo *survey* iha Natarbora no foin atu hahú halo pesquisa no mós foin hanoin atu halo plantação no halo plano atu harii refinaria. Ne'e hatudu, dala ida tan, ba público katak Sr. Xanana ho nia ema sira atu halo *pembodohan publik* ka halo beik ema no continua bosok ba beibeik.

Refinaria ne'e ninia resultado, ha'u bele hatete, sei hanesan mós uma *MDG's* no mós *jalan tol* ba kuda no karau sira mak la'o tuir, nune'e mós porto Hera ne'ebé mout tiha de'it bá iha-ne'ebé, mout tiha de'it bá tasi laran.

No preparação ho iniciativa ne'ebé halo iha Beaçõ hodi fakar de'it povo nia osan, ne'e kala saugati de'it ona tanba muda fali ona bá Natarbora. Tanba ne'e, plano sira muda ba Natarbora ne'e, dala ida

tan, atu halo duni *pembodohan publik* ka atu halo beik ema para ema labele nota dehan mina ne'e la mai.

Buat ida halo ha'u la fiar liután mak kadoras seidak book ka iha hela incerteza nia laran mai Timor-Leste, plano atu halo uluk ona refinaria, ne'e hatudu hanesan iha hananu ai-knanonik ida dehan, «karau seidak oho ita halo ona uluk tempero, quando oho karau, tempero ida-ne'e mós sin no aat tiha ona».

Sr. Vice-Ministro dos Assuntos Parlamentares, fó-hanoin hela Ita para ko'alia didi'ak hodi fó-hanoin hikis ba Sr. Primeiro-Ministro, Xanana Gusmão, atu di'ak liu halo serbisu mak ko'alia, selae acontece hanesan Primeiro-Ministro nia declaração ne'ebé mai iha Parlamento Nacional ida-ne'e hodi dehan, «VIII Governo Constitucional halo lakon ona ka na'ok tiha ona osan PNDS tokon 30 ba programa PNDS nian».

Nune'e mós *anak buah* sira-ne'ebé ho matenek tebes iha Parlamento Nacional, ne'ebé lidera mós Comissão C, ho ansioso tebes hodi dehan, «Comissão C, Parlamento Nacional, deteta ona osan PNDS 30 000 000 USD mak lakon», maibé iha 15 de janeiro de 2025, declaração ida mai husi Presidente Tribunal Recurso katak osan tokon 30 ba PNDS ne'e la lakon ida, significa Presidente Comissão C mós dukur di'ak.

Declaração husi Presidente Tribunal Recurso ne'e mai justifica ba ita hotu no público katak Sr. Xanana Gusmão ho ninia ema sira, ka ho lian indonésia dehan *kroni-kroni* sira, dala ida tan mai halo *pembodohan publik* duni. Ne'e hatudo loloos no momoos katak Sr. Primeiro Ministro bosok-teen duni. Tanba ne'e, liuhusi declaração ida-ne'e, husu ba Vice-Ministro dos Assuntos Parlamentares atu hato'o hela ba Sr. Primeiro-Ministro atu pára ona ho duun matak ema, lia-bosok, di'ak liu concentra de'it ba Ita-Boot nia serbisu hodi halo atendimento ba público para governação ida-ne'ebé la'o aat loos, desorganizado, bosok-teen no desorientado ida-ne'e bele la'o fali tuir nia dalan para serbí ita-nia povo no ita-nia comunidade ho di'ak.

Obrigado.

Sr.^a **Presidente**: — Molok atu hakat bá oin, iha pedido ponto de ordem.

Sr.^a Deputada Cedelízia Faria dos Santos.

Sr.^a **Cedelízia Faria dos Santos** (CNRT): — Muito obrigada, Presidente.

Defesa de honra tanba temi Presidente Comissão C nia naran.

Ha'u hakarak hatete ba Deputado ida foin daudauk ko'alia ne'e, Ita-Boot la marca presença iha audiência Conta Geral do Estado ne'ebé ami foin halo. Loos duni, Presidente Tribunal hatete, osan 38 000 000 USD ne'e maka iha relatório, total orçamento ba PNDS ne'e 68 000 000 USD. Se 38 000 000

USD de'it mak nia hatama iha relatório, então 30 000 000 ne'e iha-ne'ebé? Ida-ne'e Primeiro-Ministro husu ne'e loos hela. Primeiro-Ministro la bosok-teen ...

Haklalak husi FRETILIN.

... Ita-Boot sira mak bosok-teen, Ita-Boot sira mak laran moras. Quando halo fali buat bá ona Natarbora ne'e mak Ita-Boot sira fila tun fila sa'e. Favor ida, relatório Câmara de Contas ne'e tau hela iha-ne'ebá, Presidente Tribunal de Recurso declara katak 38 000 000 USD ne'e mak hatama relatório, Primeiro Ministro mós dehan hanesan ne'e. Total osan 68 000 000 USD ne'e, se 38 000 000 USD mak nia hatama relatório, 30 000 000 USD ne'e iha-ne'ebé?

Ami deteta duni. Osan sira-ne'e Ita-Boot sira halo tiha lei ida...

Sr.^a **Presidente**: — Muito obrigada.

Sr.^a **Cedelízia Faria dos Santos** (CNRT): — ... Não! Espera, Presidente! Eu tenho três minutos, não é só 1 minuto...

Murmúrio husi FRETILIN.

... – nia hatete ha'u-nia naran – tanba osan ne'e sira halo tiha lei osan ne'e bá tau tiha iha sede de suco, conta suco ne'e...

Sr.^a **Presidente**: — Ha'u husu desculpa, Sr.^a Deputada, só um minuto.

Sr.^a **Cedelízia Faria dos Santos** (CNRT): — ... favor ida, Ita-Boot mak....

Sr.^a Presidente desliga Sr.^a ne'e nia microfone.

Sr.^a **Presidente**: — Distintos Deputados, a Conta Geral do Estado sei mai iha-ne'e, debate iha dia 27 de janeiro de 2025. Ha'u sei la fó tanba ita lakohi marca presença iha audiências. Agora ita hatán malu. *Sorry*, mas tempo ha'u-nian...

Barulho husi FRETILIN.

... ne'ebe ita sei hatán malu iha debate da Conta Geral. Sé mak lê, tem fundamentos, quem não lê, não tem fundamentos. Dala ida tan, ha'u fó-hanoin!

De seguida, ha'u fó tempo ba Sr. Deputado Natalino dos Santos.

Sr. Natalino dos Santos Nascimento (CNRT): — Obrigado ba tempo.

Bom dia ba Sr.^a Presidente, Mesa, Sr. Vice-Ministro dos Assuntos Parlamentares, distintos Deputados, povo do ben Timor-Leste mak ha'u respeita.

Primeiro, ha'u hakarak sekunda declaração Bancada CNRT nian, ne'ebé halo explicação detalhada kona-ba evicção.

Senhor Vice-Ministro, ha'u hakarak foti questão ida importante tebetebes, liuliu ita-nia maluk timoroan sira-ne'ebé serbisu nu'udar Guarda Lorosa'e – sira agora tuur daudaun iha galeria – questão ne'e ha'u foti beibeik ona, maibé to'o agora seidauk iha resposta. Tanba ne'e, ha'u recomenda ba Sr. Vice-Ministro dos Assuntos Parlamentares atu encaminha assunto ne'e ba Primeiro-Ministro para depois bele hetan solução ba ita-nia ema sira-ne'e, depois bele iha certeza ba sira para sira mós bele hatene katak sira-nia direito iha ka la iha. Tanba sira sempre mai hela tuur iha Plenária ne'e, às vezes segunda-feira no terça-feira, tanba ne'e, ha'u husu Sr. Vice-Ministro atu haree assunto ne'e, importante!

Segundo, ha'u hakarak husu ba Ministério das Obras Públicas atu haree ona dalan ida, estrada nacional, ne'ebé liga Ainaro ba Suai, liuliu Zumalai. Husi mota Sarai, Paulata, Betamak, Cassa to'o Zumalai, só rohan oan ida-ne'e mak to'o agora seidauk halo, tanba ne'e, ha'u husu ba Ministério das Obras Públicas atu tau atenção ba estrada ida-ne'e.

Terceiro, ha'u hakarak foti dala ida tan, husu Sr. Vice-Ministro atu haree preço bilhete avião ne'ebé karun tebetebes. Oinsá solução? Será que precisa atu hatama tan avião para iha competição? Se rua de'it iha *monopoli*, folin sa'e, la'ós tuun, lae! Sa'e beibeik. Imagina katak ita bá Bali de'it quase to'o 270 USD, bá-mai hira ona? Tanba ne'e, ha'u husu atu haree para bele facilita.

Ikusliu, ha'u hakarak foti declaração ida-ne'e atu bolu atenção, liuliu, kona-ba lista veterano, ne'ebé colega sira mak questiona. Iha critério ida-ne'ebé fó 60 dias para halo reclamação ba dados sira-ne'ebé considera falso, tanba ne'e, ha'u husu para avisa, apela ba timoroan hotu-hotu iha fatin hotu-hotu, ba membro da resistência sira atubele, ho tempo ne'ebe Governo tau, halo reclamação ba dados sira-ne'e.

Maibé, ha'u mós, nu'udar mós membro da resistência, husu, liuliu ha'u-nia superior sira rona karik, liuliu Região Autónoma Zebra Selero, Secretário da Zona sira, NUREP sira, oinsá atu haree cada suco atu identifica ita-nia ema sira-ne'ebé registo hanesan veteranos, tanba sira registo ne'e ema seluk, mai husi estrutura seluk. Por exemplo, hanesan iha Díli, Senhor Otsi ou companheiro Otsi ho Ablai, sira ladún hatene saida mak iha Díli ne'e, e bele mós prejudica katak iha ema ruma falso ka documento falso. Tanba ne'e, Governo fó limite 60 dias para ita halo reclamação, hanesan membro da resistência,

quadro ida iha Região Autónoma Zebra Selero, apela ba estrutura husi Secretário Sub-Região, embora saudoso «Fo Laran» la iha ona, maibé, ninia vice, colaborador sira, secretário zona sira, nia estafeta sira iha atubele fó solução ba problema ne'ebé daudaun ne'e quase iha município hotu-hotu reclama. Tanba ne'e ha'u hakarak apela de'it, e depois de 60 dias, quando la iha ona aviso mak ha'u sei iha declaração seluk.

Ida-ne'e de'it mak ha'u hakarak foti iha-ne'e, e tempo 60 dias ita usa para halo reclamação ba documento ka veterano falso sira.

Ida-ne'e de'it mak hakarak hato'o.

Obrigado.

Sr.^a **Presidente**: — De seguida, ha'u fó tempo ba Sr. Deputado Antoninho Bianco.

Sr. **Antoninho Bianco** (FRETILIN): — Obrigado.

Respeito ba Presidente, colega sira hotu no representante Governo.

Agradece ba Maromak, ha'u atu ko'alia lia-loos no justiça nian.

Primeiro de tudo, ha'u atu secunda declaração Bancada FRETILIN, ne'ebé hanesan expressão, aspiração husi sira-ne'ebé nia lian ami tatoli fali iha-ne'e.

Segundo, ha'u hanoin katak declaração ida husi Bancada CNRT nian ne'e la hatudu sentimento pertença ba ema nia sofrimento. Ita moris iha nakukun laran mak ita la hetan ema tanis, ema halerik, ema nia uma ema sobu, ema iha udan laran, labarik sira toba iha valeta leten. Quando ami bá ne'e dehan ami mak hala'o fali serbisu Governo nian, ha'u hanoin, ne'e mak imi la'ós representa sira duni. Afinal, imi representa de'it Governo atu basa liman ba ema ne'ebé halo ação, halo sofre ema. Rai ne'e lulik, rai ne'e lulik! Herói no mártir sira fihir ita ida-idak.

Maluk sira, ki'ikoan be tanis iha udan laran, inan be halerik tanba nia uma sobu, aman be hakilar tanba sira hela-fatin la iha, fatin atu han mós la hatene bá ne'ebé, ami alista. Sentido de pertença ba sofrimento povo ne'e mak importante, labele sentimento de pertença ba projeto, sentimento pertença ba na'i-ulun ida be halo terus ema, sentimento pertença ba contente ema seluk nia terus. Coitado!

Ha'u hanoin, Primeiro-Ministro agora hanesan Presidente Partido CNRT, quando seidauk ukun ne'e, coitado, toba iha fatin-fatin, tama iha valeta kuak, tribunal hasai decisão mós dehan la loos hotu, bá hakilar dehan «povo mak Estado no Estado mak povo!». Maibé, na realidade hatudu oinsa? Tanba ne'e mak, ha'u hanoin, maluk sira, lia-loos ne'e ema nunca atu subar. Mesmo que neineik maibé ba beibeik, lia-loos ne'e mak Maromak, justiça ne'e mak Maromak.

Se ita sira iha-ne'e mak ko'alia de'it, gaba de'it mak ema sira-ne'ebé halo terus povo ne'e, ita ne'e moris iha parte ne'ebé? Mundo ne'e ita-nian ne'e iha-ne'ebé? Ita representa sira-ne'ebé susar no terus atu halakon sira-nia susar no terus ka ita mai basa liman, contente iha ema seluk nia terus no susar?

Rai sei haree, loro ne'e sei haree! Ita la'o iha Rai nia leten, loro mós hateke hela ita. Tanba ne'e, maluk sira, Espírito Santo tem que ko'alia buat loos! Espírito aat mak sempre ko'alia buat ne'ebé la loos ne'e sai fali loos, e buat ne'ebe loos ne'e sai fali la loos.

Ha'u, hanesan ema cristão, hatete katak Amo Papa mai dala rua, Rai ne'e dehan Terra de Santa Cruz e Terra da Nossa Senhora. Ita-Boot sira hatene muito bem buat ne'e, Terra de Santa Cruz ne'e mak saida, Terra de Nossa Senhora ne'e mak saida. Ne'e mak dehan imi hakilar ba ema nia terus, ema nia susar, imi dehan ne'e di'ak de'it?

Maluk sira, povo, Ita-Boot sira rona bá! See tilun hodi rona! Ema sira-ne'e bele iha tilun, maibé tilun ne'e diuk, ema sira-ne'e iha matan, maibé matan delek, maibé povo, imi-nia tilun la'ós diuk, imi-nia matan la'ós delek.

Situação ne'ebé imi enfrenta agora, ami sente, ami expressa, ami tuun e ami halo declaração. Maibé, dehan buat sira-ne'e hotu la loos hotu, lia-loos ida be sira-nian ne'e lia-loos nakukun nian. Lia-loos nakukun nian tem que ta'uk naroman, tanba ne'e, lori naroman hodi leno ba ema sira-ne'ebé moris iha nakukun laran ne'e para sira bele hatene.

Tanba ne'e, maluk sira, mai ita hatete lia-loos, lori naroman ba ema sira-ne'ebé moris iha nakukun laran, atu nune'e sira bele hatene katak naroman ne'e ninia furak mak ne'e. Tanba sira toman ona moris iha nakukun, ne'ebe la gosta duni toman iha naroman. Sai naroman ba mundo! Sai masin ba mundo!

Obrigado.

Sr.^a **Presidente**: — Muito obrigado.

Harohan ba ema aat mós sala mak ne'e.

Hamanasa husi CNRT.

Ne'ebe ha'u mós hafodak. Direito do povo, maibé labele harohan aat ba ema.

Ne'ebe, distintos Deputados, tuirmai ha'u fó tempo ba Sr.^a Deputada Cristina Rebelo.

Sr.^a **Cristina Yuri Rebelo dos Santos Costa** (FRETILIN): — Sr.^a Presidente e membros da Mesa, Vice-Ministro, povo doben Timor-Leste tomak no ba ita hotu ne'ebé iha-ne'e, bom dia.

Ha'u, dala uluk, hakarak atu secunda declaração Bancada FRETILIN nian ne'ebé ko'alia no tau atenção maka'as ba assunto educação. Iha parte ida-ne'e ha'u hakarak foca liu ba liafuan ida-de'it, «qualidade educação».

Sr. Vice-Ministro, iha tinan kotuk, Ministério da Educação halo ona recrutamento ba professor sira, mesmo que hodi nia efeito balu ba professor sira-ne'ebé lakon serbisu, maibé ho intenção ida di'ak,

katak hakarak atu hadi'a qualidade. Atu hadi'a qualidade ne'e mak ita tem que ser haree ba lala'ok durante tinan kotuk to'o fali iha tinan ida agora ne'e no bá oin.

Ha'u triste bainhira nafatin ha'u assiste iha escola sira sei acontece nafatin assédio no mós intimidação husi estudante sira ba estudante sira seluk. Tanba ne'e, dala ida tan, se ita ko'alia kona-ba qualidade educação, no foin daudauk, se ita hatuur duni, ita tau duni professor sira ho qualidade, mak ida-ne'e tem que acontece mós ba estudante sira. Wainhira qualidade ita hetan iha professor sira, sira mós sei, la'ós hanorin de'it, educa estudante sira atu iha qualidade mós, e triste quando haree atitude sira-ne'e sei continua. Husu ba ministério atu serbisu hamutuk ho educação município no educação local sira hodi haree ba assunto ida-ne'e, tanba, se ida-ne'e acontece nafatin mak ita ko'alia kona-ba qualidade educação, atitude ida ki'ikoan hanesan ne'e, ida-ne'e ita hatudu momoos tiha ona ba povo saida mak acontece. Tanba ne'e ha'u husu para Ministério da Educação atubele haree didi'ak ba assunto ida-ne'e.

Ha'u ohin hakarak secunda mós declaração Bancada KHUNTO nian ne'ebé ko'alia kona-ba lista veterano sira-nian. No ha'u husu ba Ministério para os Assuntos dos Combatentes da Libertação Nacional atu haree didi'ak fali, liuliu iha parte verificação sira-ne'e, saida mak sala iha-ne'ebá, tanba Vice-Ministro, inan barak mak tanis iha momento lista ne'e sai. Sira-nia terus no contribuição durante tempo funu no tempo ocupação, ita sura mós la bele, oan sira-ne'ebé sente terus inan ida nian, to'o agora mós haree lista ne'e, matan-been quase atu la tuun sala-sala. Tanba saida? Lista ne'e injustiça mak barak iha-ne'ebá, la hatudu loloos contribuição ne'ebé sira halo, terus ne'ebé sira halo. Se ita ko'alia kona-ba «torturação», mane sira kaer kilat, talvez funu, mas inan sira-ne'ebé contribui no terus, liuliu hirak ne'ebé dadur, sira-nia terus ita sura la bá, sira conta de'it mós ita lakohi atu rona, Sr. Vice-Ministro, tanba sira-nia terus ne'e ita sura la hetan.

Tanba ne'e ha'u husu atu Ministério ida-ne'e haree fali lista ne'e ho didi'ak atubele hatuur fali loloos. Sira la'ós atu levanta questão sira-ne'e tanba hakarak hetan osan sira-ne'ebé Governo hakarak fó ba sira, lae! Simplesmente sira hakarak atu reconhece, mas reconhece ho loloos, atu valoriza duni sira ho loloos, tanba funu ne'ebé sira contribui ne'e ita sukat la hetan, Sr. Vice-Ministro, tanba ne'e ha'u husu atu haree didi'ak filafali.

Ko'alia kona-ba evicção, ha'u mós ohin rona declaração Bancada CNRT nian, hau atu dehan de'it nune'e, cada desenvolvimento sempre iha nia consequência, cada desenvolvimento iha ema barak sei tanis, iha ema barak sei terus, no iha mós ema barak sei contente, maibé cada decisão ne'ebé ita toma no ação ne'ebé ita foti tem que ser sensível no humana. Sensível no humana katak saida?

Ha'u compreende katak SEATOU hato'o beibeik, SEATOU halo ona socialização, halo ona buat barak para hadi'a situação sira-ne'e hotu, maibé, Sr. Vice-Ministro, tanis ne'ebé foin sai ne'e la'ós tanis no terus de'it, maibé iha mós ninia consequência socioeconómica, liuliu ba labarik sira, ba

estudante sira, ba ema sira-ne'ebé moras hela, ba ema sira-ne'ebé deficiente, ida-ne'e ita tem que ser haree hotu.

Tanba ne'e, ba oin ha'u husu atu SEATOU serbisu hamutuk no coordena di'ak liután ho parte ne'ebé relevante, liuliu ho PAM (Presidente da Autoridade Municipal) sira, tanba agora ita iha ona presidente autoridade município, ita iha ona autoridade local sira-ne'e, fó mós serbisu ba sira hodi haree didi'ak, atu questão ida-ne'e ita resolve, resolve ho humana tanba ita labele hasai sira, depois mak ita foin buka fatin, ita hasai sira mak ita ko'alia indemnização.

Ha'u mós hakarak atu husu iha-ne'e, processo indemnização ne'e to'o ona iha-ne'ebé, Sr. Vice-Ministro? Tanba ha'u rona katak balu bá hatama ona sira-nia carta reclamação, balu bá hatama ona sira-nia conta bancária, balu seidauk. Então, processo ne'e la'o to'o ona iha-ne'ebé?

Kona-ba desmobilização, sira fila bá município, karik sira iha ona fatin ka saida mak Governo atu halo ba sira? Karik iha, iha ona hira mak bá? Sei falta hira mak sei mai? Tanba situação ida-ne'e sei acontece iha futuro.

Ha'u lê iha jornal katak SEATOU sei continua halo mós ba parte seluk iha Díli laran tomak no parte ba iha Fatuahi nian. Karik iha ona plano ba ida-ne'e ka lae, ita precisa atu hatene mós.

Ohin ha'u-nia levantamento mak ida-ne'e de'it.

Obrigada.

Sr.^a **Presidente**: — De seguida, Sr.^a Deputada Mariquita Soares.

Sr.^a **Mariquita Soares** (FRETILIN): — Obrigada ba oportunidade.

Bom dia ba Excelência Sr.^a Presidente, componente da Mesa, Vice-Ministro, colegas Deputados, Buibere no Maubere.

Ha'u secunda ho declaração política Bancada FRETILIN nian kona-ba situação educação iha Timor-Leste, liuliu merenda escolar.

Merenda escolar continua sai problema no mós polémica tanba Programa Merenda Escolar iha Timor-Leste envolve questão oioin ne'ebé afeta, tanto qualidade no disponibilidade serviço ida-ne'e nian.

Escola barak iha Timor-Leste la iha infraestrutura básica hanesan dapur no espaço ne'ebé adequado ba armazenamento ai-han ne'ebé seguro. Ida-ne'e halo susar atu fahe no prepara hahán sira-ne'ebé seguro no halo balanço nutricional, hodi tulun desenvolvimento labarik sira-nian. Ha'u mós nota katak la iha mecanismo controlo adequado no interligado entre linha ministerial relevante sira ba programa merenda escolar. Ha'u haree no nota katak merenda escolar la to'o hanesan ba escola hotu-hotu, ho região balu hasoru dificuldade boot liu do que sira seluk. Falta transporte ne'ebé adequado bele mós halo susar atu entrega ai-han ba área sira-ne'ebé dook liu, nune'e iha escola barak mak implementa

tarde. Problema sira-ne'e afeta diretamente ba labarik sira-nia desempenho académico, saúde no moris-di'ak hodi halo abordagem integrado essencial atu hadi'a condição merenda escolar iha Timor-Leste.

Liga ho questão educação, ha'u triste hodi assiste declaração Ministra Educação nian iha público katak tinan 2025 tempo ba Ministério da Educação hadi'a qualidade educação. Tinan 10 nu'udar Ministra bá iha-ne'ebé? Foin hakfodak ka? Hadi'a qualidade ne'e oinsá? Hatete atu continua fó formação ba professores, maibé semana kotuk Escola 4 de Setembro hasai tan professor permanente na'in-28, iha tempo hanesan Escola FINANTIL husu tan professor na'in-10 hodi preenche carga horária.

Iha quase escola hotu-hotu continua menos professor, revisão currículo continua halo nafatin sem aplica, labarik sira continua tuur iha rai, edifício escola barak mak nia condição la favorece ba estudante atu aprende iha tempo udan hanesan agora. Ministra mós hatete, precisa gere sala de aula, maibé maioria escola sira menos sala, satán paralelo balu taka hodi concentra hamutuk iha centro. Será que ida-ne'e mak atu ko'alia qualidade?

Nune'e, haree ba situação saúde atual, ha'u halo conclusão katak IX Governo la iha duni capacidade no hakarak de'it harahun serviço saúde no povo.

Maluk sira, iha semana primeira fulan-janeiro nian, ita hotu haree katak Governo Dasiak hasai população sira ho forçada iha Fomento II. Situação ne'e lamentável tebes tanba hasai população sira iha tempo udan no difícil tebes ba sira atu salva sira-nia sasán, labarik ki'ik, inan isin-rua no ferik-katuas sira tem que see udan no ida-ne'e risco ba sira-nia saúde, família barak mak la iha condição atu bá loos ne'ebé.

Vítima sira hatete katak ho evicção ne'e halo sira-nia oan no labarik barak mak lakon sira-nia escola. Se, bainhira sira sai husi fatin ne'e, iha momento ida-ne'ebé labarik sira tama fali escola, ne'e sai difícil ba labarik sira atu *pindah* ba escola foun. Questão sira-ne'e hotu loloos sai preocupação governante sira-nian hodi tetu no sukat antes hasai ema ho forçada.

Ministra da Educação ho facilmente garante carta transferência ba estudante sira sem sukat trauma psicológica ne'ebé labarik ida iha bainhira hasai forçada hodi muda ba fatin foun.

Semana kotuk Sr.^a Dulce hatete katak «possibilidade tinan 2025 Ministério da Educação seidauk bele implementa uniforme foun, tanba ne'e sei haree ba nível classe, saida mak sira usa ba uniforme escolar». Ha'u-nia pergunta mak ne'e: será que durante tinan ida ho balu, hahú husi tinan 2023 to'o 2024 ne'e la bele identifica classe ka cor uniforme? Ida-ne'e hatudu momoos katak Ministra ho ninia estrutura iha Ministério da Educação ne'e incapacidade.

Atu taka, ha'u hakarak fó-hatene katak IX Governo la iha seriedade atu soluciona situação hirak-ne'e, Ministra da Educação rasik la hatene no la tau importância ba situação sira-ne'e.

Situação educação, *stock* ai-moruk, foos folin sa'e no seluk-seluk tan ne'ebé ligado direta ba necessidade no exigência povo tomak nian hatudu momoos IX Governo nia incapacidade.

Obrigada barak.

Sr.^a **Presidente**: — De seguida, ha'u fó tempo ba Sr.^a Deputada Maria Anabela Savio.

Sr.^a **Maria Anabela Savio** (FRETILIN): — Obrigado ba tempo, e bom dia ba Presidente Parlamento Nacional, composição da Mesa, distintos Deputados, Sr. Vice-Ministro no povo rona-na'in tomak.

Excelências, em primeiro, ha'u hakarak secunda declaração política Bancada FRETILIN nian, que sempre toca beibeik sobre assunto ou problema educação. Estado ida hamriik tanba iha povo, prioridade ba povo mak saúde, educação no economia.

Iha Timor-Leste, prioridade tolu ne'e sai fali povo nia inimigo no povo sai vítima ba decisão política ba ukun-na'in sira-ne'ebé mai nakonu ho drama de'it no la sério hodi resolve problema ne'ebé povo enfrenta hela.

Educação hanesan chave importante ida hodi transforma ema sai ema matenek, maibé, quando ita levanta realidade problema educação, Governo sempre defende an dehan, «problema resolvido ona e buat hotu la'o normal».

Realidade ne'ebé ha'u rona ho tilun rasik husi escola EBC Central Lospalos, EBC Lulira, EBC Kuluhun, diretor ho adjunto sira, ho nia professor sira informa mai katak professor continua la suficiente, no professor sira-ne'ebé ba tuir teste no manán tiha ona halo destacamento ba município seluk, nia fatin anterior continua mamuk no inan-aman mak contrata professores contratados hodi hanorin estudante sira. Papel Governo mak ida-ne'ebé? Hatudu to'ok!

Professores ne'ebé sei menos quase professor disciplina nacional hanesan língua portuguesa, língua inglesa no matemática. Estudante sira atu aprende saida hodi ba hasoru exame nacional? Destaca fali professor foun ne'ebé ho *background* área seluk, hanesan agrícola, ida-ne'e ita atu fó culpa ba sé? Professor foun ne'ebé hetan destacamento ba fatin foun sira sente la confortável tanba Ministério da Educação la prepara condição ba sira, hanesan uma ka hela-fatin, susar tebes!

Promete dehan atu fó osan transporte 25 USD ba cada professor usa ba cada fulan, maibé até agora seidak hetan. Osan transporte 25 USD suficiente ka lae, precisa haree mós distância e labele uniformiza ka *pukul rata*. Escola hirak ne'ebé ohin menciona sei menos professores, sala de aula la suficiente, facilidade mesa no cadeira la suficiente, aluno balu tuur iha rai, no seluk tan.

Professores ne'ebé hetan cargo chefia, sira mós iha direito bele hetan salário chefia nian, maibé ba sira-ne'ebé ex-chefe sira até agora seidak hetan sira-nia direito. Professor contratado tama ba

permanente regime especial salário fulan haat seidak simu, bainhira mak sira bele hetan sira-nia direito?

Ba dala ikus nian, ha'u hakarak responde ou clarifica ba PAM (Presidente da Adutoridade Municipal) Lautém ho APA Lospalos ho nia funcionário na'in-ualu, ne'ebé halo conferência imprensa, hodi hatán ha'u-nia intervenção iha mídia sobre problemas educação no ko'a salário funcionário permanente hodi selu ba funcionários casuais dehan, «informação ne'e falso», sira haluha katak nu'udar Deputada, representante povo em geral, Deputada iha direito no dever tomak hodi rona opinião ka preocupação husi eleitores hodi hatutan ou levanta ba Executivo sira hodi responde ou resolve. Ne'ebe PAM (Presidente da Autoridade Municipal) ho APA (Autoridade do Posto Administrativo) Lospalos hakarak lori ba Tribunal, evidência mak ne'e e gravação completo iha-ne'e...

Sr.^a Deputada ne'e hi'it surat-tahan ne'ebé contém foto balu, no mós telemóvel hodi hatudu nu'udar evidência.

... lori documentos ne'e bele ba queixa iha Tribunal, depois mak ha'u tuir ba tanba fonte informação ne'e mai husi eleitores hanesan professores, diretores, adjunto sira e funcionário sira. Lori uluk sira ba tribunal, depois mak ha'u tuir bá tanba sira mak exige Deputada tem que temi sira-nia naran iha fatin ida-ne'e. Eleitores ne'e quase militante CNRT no PD, maibé tanba saida sira brani ko'alia Governo ida-ne'e nia fraqueza? Nia resposta iha Ita-Boot sira-nia liman, evidência completa hotu, gravação completa hotu, dala ida tan.

Problema ida-ne'e seidak resolve hotu, maibé Sr. Ministra...

Sr.^a **Presidente**: — Muito obrigada, Sr.^a Deputada.

Sr.^a **Maria Anabela Savio** (FRETILIN): — ... Obrigada.

Sr.^a **Presidente**: — De seguida, o Sr. Deputado Armando dos Santos Lopes.

Sr. **Armando dos Santos Lopes** (PD): — Di'ak, obrigado ba tempo.

Ba Presidente no composição da Mesa ne'ebé ha'u respeita, bom dia ba Ita-Boot sira no mós Sr. Vice-Ministro dos Assuntos Parlamentares, ba colega distinta no distinto Deputado sira hotu, mídia no povo rona-na'in tomak ne'ebé ha'u respeita ba dadeer ida-ne'e.

Em primeiro lugar, ha'u hakarak hato'o apreciação ba IX Governo Constitucional, ne'ebé promete katak 2025, tinan ida-ne'e, tinan ação de implementação de programa, e, ha'u hanoin katak ida-ne'e

sério e agora halo daudauk, começa daudauk, ita hotu haree ho matan. Maski iha balu ne'ebé ita sei tau questão, maibé ida-ne'e mak agora la'o daudauk.

Maibé, iha oportunidade ida-ne'e ha'u hakarak hato'o questão rua ka tolu iha-ne'e:

Em primeiro lugar, kona-ba assunto passaporte, katak tinan 2024 Deputado sira barak mak tau questão, e tanba passaporte ne'e ita bele dehan katak necessário duni ba povo, ba juventude no ba estudante sira, balu ne'ebé hakarak atu continua sira-nia estudo, precisa passaporte, no mós juventude balu ne'ebé hakarak atu bá serbisu iha rai-li'ur, provisoriamente ita iha rai-laran seidauk iha campo de trabalho ida que natoon ba sira, tan ida-ne'e mak ha'u hanoin katak passaporte ne'e importante, e ha'u husu ba Governo atual oinsá para passaporte ne'e ita bele lori ona nia administração ne'e ba cada município, atu nune'e previne povo sira atu mai hotu iha Díli, no juventude sira ka estudante sira la bele mai nakonu hotu iha Díli, atu nakonu tan iha Díli.

E ha'u hanoin katak iha município Lautém, na realidade, Governo anterior hahú ona, maibé mai iha VIII Governo, la sala karik iha fim do mandato, falta tinan ida ka tinan rua, máquina avariada, tanba ne'e mak ha'u hanoin katak tinan ne'e ita koko to'ok oinsá atubele hadi'a e lori administração pública ne'e ba besik povo.

Além de ida-ne'e, trata documento ka carta de condução original ba motorista sira iha município sira hotu ne'e DNTT (Direção Nacional de Transportes Terrestres) nia serbisu tanba durante ne'e, hahú 2002 até à data, ne'e provisório nafatin, ha'u husu ba Governo atual ida-ne'e, se possível ita koko atu fó ona original ba motorista sira-ne'ebé iha município. Além de ida-ne'e, carta renovação de licença, documentos negócio iha município, iha parte SERVE nian, ha'u hakarak hato'o katak tinan barak ona, mas sira-nia edifício ne'e sei aat nafatin. Tanba ida-ne'e ita bele ajuda ita-nia população ne'ebé hakarak halo negócio ki'ik iha município, e foin daudauk ha'u iha município Lautém, povo sira-ne'ebé halo contrato arrendamento rai Estado ka uma Estado, agora daudauk sira preocupa tanba, quando atu halo renovação, hakarak ka lakohi documento sira-ne'e tem que lori hotu mai iha central Díli, mai iha Secretaria de Estado no Ministério do Justiça atu prolonga, mas dala ruma atrasa to'o cinco e seis meses, depois ida-ne'e lori fali ba iha-ne'ebá.

Ema sira-ne'ebé hela iha rai Estado ka hela iha Estado nia uma, selu duni por mês por volta de 10 USD, maibé, foin daudaun dehan katak tem que hetan multa fali 50%, então cada fulan 10 USD ne'e sa'e ba 15 USD. Ida-ne'e mak ita-nia ema sira dala barak tau questão e ha'u hanoin katak rai hirak ne'e ita precisa tau ona placa previne atu ema labele aumenta tan, e, husu ba Governo, liuliu ba PAM sira, quando sira halo uma ida permanente, tem que fó atenção ba sira, atu nune'e sira labele continua to'o uma ne'e remata, depois ita halo evicção, ida-ne'e mós, ha'u hanoin, problema ba ita.

Ba maluk sira-ne'ebé tau questão ba sala de aula, ha'u hanoin katak Comissão G, quando halo ninia fiscalização ba iha território tomak ...

Sr.^a **Presidente**: — Muito obrigada, Sr. Deputado.

Sr. **Armando dos Santos Lopes** (PD): — hakarak hato'o katak quase noventa e tal por cento ne'e atu remata ona.

Portanto, ha'u hakarak hatete de'it katak ita-nia preocupação labelle hanesan Governo anterior sira, dehan katak nove salas mas realidade ne'e oito salas mós la remata ...

Sr.^a Presidente desliga Sr. Deputado ne'e nia microfone.

Sr.^a **Presidente**: — Desculpa, mas tempo hotu ona, ha'u taka.

De seguida, Sr. Deputado Óscar Lima

Sr. **Óscar Lima** (FRETILIN): — Obrigado, Sr.^a Presidente.

Excelência Sr.^a Presidente, componentes da Mesa, carros colegas distintas no distintos Deputados, Sr. Vice-Ministro dos Assuntos Parlamentares, maluk doben rona-na'in sira.

Primeiro de tudo ha'u hakarak hato'o assunto rua de'it.

Ha'u mai tanba ha'u-nia colega ida, tempo ne'ebé nia hetan ne'e ki'ik tebetebes, ha'u hanoin, Vice rasik hatene, Rui Fernandes, Atsabe. Ne'e labelle hetan três a sete anos de'it, tanba problema ne'e ema ne'e membro fundador ASDT, depois mai tan fundador FRETILIN nian. Ita fó reconhecimento hanesan ne'e, coitado, é uma ofensa ba nia família sira.

Ne'e mak ha'u husu, Sr. Vice-Ministro, favor ida haree buat ne'e seriamente tanba Ita-Boot nia maluk, ida-ne'e ha'u hatene Ita-Boot nia maluk, Ita-Boot mós conhece di'ak sé mak Rui Fernandes. Ema ne'e dadur dala barak ho ami, nia halo nia serbisu ne'e to'o nia mate, ne'e mak ha'u hakarak husu, favor ida, Ita-Boot sira tau em consideração ba ida-ne'e.

Pronto, bele iha falhanço sira-ne'e, ohin balu hatete ona, katak buat ne'e sei iha fulan rua, mas, se bele resolve tiha ba iha fulan rua nia laran ne'e para hanesan ne'e labelle fó-hanoin ida katak ema ne'e la halo serbisu ba rai ida-ne'e, ema ne'e mate saugati de'it. Então, ida-ne'e ha'u hakarak husu e ida-ne'e mak ami hakarak hato'o.

Segundo, ami hakarak husu ba controle de lixo, agora daudaun ne'e soe lixo arbiru de'it iha fatin hotu-hotu. Ida agora ha'u ko'alia ne'e iha Escola Externato nia oin. Escola externato nia oin ne'e agora sai fali *tempat sampah* ida boot tebetebes, ema hotu-hotu lori bá soe de'it, soe de'it iha-ne'ebá, agora labarik sira-ne'e horon de'it *sampah* hirak ne'e e bele sai moras tan, então ne'e preocupação ida. Ne'e mak ha'u husu, se bele, ida-ne'e ita tau em consideração tanba atubele haree ita-nia oan sira-nia saúde. Ita haree katak rai ida-ne'e mós la'ós rai Estado ou la'ós rai ida que vadio, rai ne'e na'in iha, maibé, agora problema é que presentemente ne'e ema soe lixo barak tebetebes iha-ne'ebá e ema la'o

agora atu sai husi estrada, atu sai husi ne'ebá susar tebetebes tanba buat ne'e sai dois hotu, tanba ne'e mak ha'u husu controle de lixo bele haree filafali ba ida-ne'e.

Ida-ne'e de'it mak ami hakarak hato'o, Sua Excelência Sr.^a Presidente Parlamento Nacional.

Obrigado.

Sr.^a **Presidente**: — Tuirmai, Sr. Deputado Antoninho Doutel Sarmento.

Sr. **Antoninho Doutel Sarmento** (FRETILIN): — Obrigado ba tempo.

Ha'u-nia respeito ba Presidente, composição da Mesa, Vice-Ministro dos Assuntos Parlamentares, colegas Deputadas e Deputados, mídia, técnico, assessores, povo Maubere e Buibere, saudações revolucionárias!...

Sr. **Deputado sira husi FRETILIN**: — Sempre revolucionárias!

Sr. **Antoninho Doutel Sarmento** (FRETILIN): — ... Ba dadeer-saan ida-ne'e ha'u hakarak secunda declaração Bancada FRETILIN nian liga ho educação tanba ita haree buat barak que la'o iha território tomak liga ba educação ne'e ita iha problema barak nafatin. Ita la hatene, atuação Ministra da Educação nian ne'e bá to'o iha-ne'ebé? Nia ho nia vice-ministro na'in hira kedas.

Problema ida foin daudaun mós, trava ona escola paralela sira-ne'ebé acontece iha município sira, inclui ida mós mak Manufahi, ita buka oinsá, to'o iha-ne'ebé atuação Ministra nian ba situação sira hanesan ne'e. Escola ida dehan ita-nia luta atu kore ema husi nakukun ba naroman, mas no fim, se ita trava educação sira iha nível sira hanesan ne'e, significa ita lori falifali ema ba nafatin nakukun.

La'ós iha Same ne'e de'it, quase escola paralela sira-ne'ebé existe iha município sira-ne'e taka, então, ita buka atu hetan explicação di'ak kona-ba Ministra nia serbisu kona-ba educação iha nível sira-ne'e.

Buat seluk ida mak escola sira-ne'ebé iha nível CAFE (Centro de Aprendizagem e Formação Escolar). Ha'u-nia pergunta: tanbasá mak contrato sira-ne'ebé halo ho professor português sira sempre atrasa iha escola sira-ne'e? Se ita tama ona iha janeiro e escola ne'e la'o normal, professor no professora sira seidauk to'o iha Timor para oinsá atu hanorin escola sira ho di'ak, Ministra nia serbisu atu haree acordo sira ho nação Portugal, liuliu iha nível educação sira para oinsá mak atu haree escola ne'e tem que funciona ho di'ak, tanba labarik sira, dala barak ita husu sira: «Imi ba escola iha escola sira-ne'e oinsá, ko'alia imi-nia português to'o iha-ne'ebé?», «Ami, loroloron ba ko'alia tétum de'it». Tanba saida? Tanba malae sira la mai iha-ne'e mai e depois timoroan sira hanorin ko'alia mak tétum de'it, oinsá atu continua hanorin ho português di'ak iha fatin sira-ne'e? Tanba ne'e mak ami haree

katak sira-ne'e hotu sai problema boot, exercício Ministra da Educação ne'e to'o iha-ne'ebé, ne'e tem que haree.

Liga ba assunto declaração sira-ne'ebé ohin CNRT halo, katak ita-nia presença iha kraik buka votos, ha'u hanoin, la'ós buka votos. Ita sei tinan lima dala ida mak foin tuun filafali ba buka votos ho ita-nia planos no programas, maibé, ida-ne'e ita hakarak sé mak ukun Rai ida-ne'e tem que atua ema hanesan ema. Imi la haree karik se mana ida ho nia condição física la di'ak iha Bebonuk, foin daudaun ko'alia ho tanis, kaer ai-tonka buat sira-ne'e hotu, ita la sente. Por exemplo, Deputado 65 ne'e sai hanesan sira iha fatin sira-ne'e, ema dudu ita, ita sente halo nu'usá? Ita sente to'ok se ita mak iha sira-nia fatin, Deputado 65 ne'e.

Tanba ne'e mak ita-nia intenção sira-ne'ebé ita halo ba kraik ne'e la'ós buka votos, votos ne'e de cinco em cinco anos, ita labele halo atuação ho lei ida, lei ne'e ko'alia bosok de'it mas ita ba ho liman *besi*, ne'e labele! Dudu ema nia uma que halo ho tempo naruk, ita ba dudu iha minuto ida sem condições iha-ne'ebá.

Ne'e la'ós problema atu ita buka votos sé mak orsida manán barak liu fali, mas, problema ne'e ema. Ita-nia luta ne'e centro mak ema, iha desenvolvimento tem que continua centro mak ema. Ne'e buat ida que importante no tem que considera atu haree, no, ukun ne'e ukun ho responsabilidade, ukun ho ulun ne'ebé di'ak para povo ne'e sente confortável ho ninia ukun-na'in sira. Ida-ne'e mak ita preocupa. Ami hatene, eleição sei 2027 la'ós agora, ne'ebe buka fali votos, la buka votos! Buka oinsá atuação ne'e tem que di'ak, ne'e povo mak sente.

Tuirfalimai, ha'u hakarak hatete, combatente sira, Vice-Ministro hato'o ba Ministro Combatentes! Se ita-nia luta reacionário ida nakfilak ba revolucionário ne'e buat ketak ida, mas se iha independência atu hakerek ema ida ba combatentes, reacionário ida sai fali combatente iha era ida-ne'e, ne'e mak pergunta. Se hanesan ne'e, hahú husi SELCOM, NUREP, Secretário da Zona, Sub-Região sira ba to'o Região sira-nia serbisu to'o iha-ne'ebé mak ema sira reacionário ne'e sai fali combatente ida iha era ida-ne'e?

Karik sira facilita ema sira-ne'e ba mosu fali iha lista ida-ne'e, sé mak sala? Ida-ne'e tem que buka atu haree didi'ak, situação sira-ne'e. Se povo hahú halo reação hasoru lei sira-ne'e, ne'e significa lei ne'e ladún di'ak. Se ita bele, oinsá atu hadi'a fali lei sira-ne'e. Pergunta boot, não é? Se reacionário ida ohin iha independência nia bele sai combatente, ne'e tem que haree

Sr.^a **Presidente**: — Muito obrigada, Sr. Deputado.

Sr. **Antoninho Doutel Sarmiento** (FRETILIN): — ... Obrigado.

Sr.^a **Presidente**: — Distintos Deputados, são 11h00, ita bá descansa, 15 minutos fila hikas mai.

Mas, 15 minutos, distintos Deputados, ainda tenho 13 Deputados, mais os intervenientes da bancada ho Sr. Vice-Ministro mós sei intervém. Ne'ebé ita cumpre 15 minutos, ita hala'o ne'e nafatin.

Muito obrigada e até logo.

Horas hatudu tuku 11 loloos.

Sr.^a **Presidente**: — Srs. Deputados, 15 liu ha'u taka ona intervenções, ita bá kedas ultima intervenção.

Horas hatudu tuku 11 liu minuto 15.

Então? Ita sei iha serbisu barak. Ne'ebé ha'u husu, Deputado sira, halo favor, distintos, tuur para ita haree e ita continua, tanba ha'u haree Sr. Deputado Albino está aqui, o Deputado António Calau não está, Sr. Deputado Manuel Noronha também não está, Sr. Anacleto Freitas iha-ne'e, ne'ebe ha'u atu hakat ba oin ona. Ita hein malu não dá para trabalhar.

Ne'ebe ha'u protesta, 15 minutos são 15 minutos, porque to'o tuku 1 la hotu, ha'u sei fó tempo ba Sr. Vice-Ministro e ita baixa tiha kedas ba Comissão lei ne'ebé iha ona para ita halo serbisu seluk. Ha'u iha agenda nakonu fulan ida-ne'e. Liuliu Bancada Governo, ita bolu malu ba be ita hahú ona. Nem quórum funcionamento temos.

Muito obrigada pela atenção.

Srs. Deputados, ho respeito ha'u husu para tuur, iha quórum funcionamento.

Ne'ebe, ha'u bolu kedas Sr. Deputado Albino da Silva.

Sr. **Albino da Silva** (CNRT): — Muito obrigado pelo tempo.

Excelência Sr.^a Presidente Parlamento Nacional, Vice-Ministro dos Assuntos Parlamentares, colegas distintas no distintos Deputados no audiência, ha'u-nia bom dia ba Ita hotu.

Saudações FALBO (Fiar an La'o ba Oin)!

Em primeiro de tudo, ha'u aprecia declaração política husi Bancada CNRT e husu ba Secretário de Estado SEATOU serbisu ba oin nafatin, lalika hesita! Povo barak iha knua no aldeia barak liu mak hakarak mai Díli, hakarak haree Díli ne'e, capital Nação, sai moos no furak.

Balu dehan «la iha sentimento de pertença ba ema nia sofrimento», Deputado balu iha-ne'e hakarak redentor, sai Cristo salvador ba povo ida-ne'e, maibé, ha'u hanoin, la iha Governo que lakohi nia povo sai desenvolvido iha Nação ida-ne'e. Ba Lei Maromak nian ita ema ida-idak labele julga malu, só Maromak mak bele julga ita.

Tuirmai, iha semana kotuk liubá, ita-nia colega husi oposiçã balu iha-ne'e levanta questã kona-ba posto administrativo ida iha Município Lautém, Posto Administrativo Lospalos, ne'ebé dehan ko'a nia funcionário permanente nia osan 100 USD ho objetivo atu selu funcionário contratado ne'ebé serbisu iha posto refere, informaçã ida-ne'e sai preocupação mai ha'u nu'udar Deputado husi bancada do Governo. Ha'u buka confirma ida-ne'e nia veracidade, ha'u buka tuir no ko'alia kedas ho funcionário permanente balu ne'ebé serbisu iha fatin refere, maibé sira hatán katak informaçã ne'ebé espalha ne'e la loos. Nune'e, liuhusi ha'u-nia intervençã ohin iha Plenária ida-ne'e, ha'u hato'o iha Casa Magna ida-ne'e katak informaçã ne'e la loos, tanba ne'e ha'u sugere, ita, nu'udar político, tem que hato'o buat ne'ebé loos no labele inventa, tanba, nu'udar Deputado ne'ebé representa povo, ita iha dignidade no credibilidade. Iha sistema finanças nian iha Timor-Leste, cada funcionário iha ninia conta bancária rasik, oinsá ita bele ko'a salário funcionário ida nian? Ne'e só a não ser ne'e ita halo pagamento direto ba funcionário refere. Além de ha'u rasik ko'alia ho sira, ha'u haruka ha'u-nia técnico hasoru funcionário permanente iha Município Lautém, Posto Lospalos nian, hodi husu katak «tebes duni ka lae ko'a imi-nia osan 100 USD atu selu funcionário contratado?». Maibé saida mak sira hatán, sira dehan, «ami-nia osan ema la ko'a», ne'ebe Deputada ida ohin ko'alia ne'e, favor ida, ha'u hatete beibeik, embora informal, Ita, Deputado na'in-hira husi Município Lautém la haree husi partido ne'ebé, ita hotu iha-ne'e, loroloron ita ko'alia katak ita representa povo. Ami, mesmo husi bancada Governo, buat ne'ebé loos ita dehan loos, la loos ita dehan la loos! Ita hotu tun ba base hodi haree e mai levanta problema iha-ne'e no ita concorda ba malu atu corrige Governo. Ida-ne'e mak ita tem que halo! Lalika inventa sasán iha-ne'e, tanba povo ne'e la'ós povo ida 1975 nian, povo agora povo ida milénio rua nian, ne'ebe lalika inventa sasán iha-ne'e. Ha'u mós Deputado iha-ne'e no iha Lospalos ha'u coordenador município, ne'ebe ha'u acompanha.

Muito obrigado.

Sr.^a **Presidente:** — Muito obrigada.

Tuirmai, ha'u fó kedas tempo ba Sr. Deputado António Calau.

Sr. **António Moniz Calau** (FRETILIN): — Di'ak, obrigado ba oportunidade.

Respeito ba Presidente do Parlamento Nacional, composiçã da Mesa, Excelência Vice-Ministro, colega Deputado sira, mídia, povo Maubere, rona-na'in no haree-na'in sira.

Saudações Revolucionarias!...

Sr. **Deputado sira husi Bancada FRETILIN:** — Sempre revolucionárias!

Sr. **António Moniz Calau** (FRETILIN): — ... Primeiro, hakarak secunda declaração ami-nia bancada, Partido FRETILIN, nian ne'ebé questiona sobre assunto educação. Ha'u mós haree-hetan questão balu ne'ebé ha'u atu liga ba assunto educação.

Primeiro, kona-ba qualidade educação, ita halo comparação escola pública ho escola privada sira, escola privada nia qualidade aas liu, escola pública nia qualidade tun. Ha'u-nia pergunta: tanbasá mak hanesan ne'e? Se nia mai ho currículo ne'ebé hanesan, ho manorin sira-ne'ebé hanesan, tanbasá mak qualidade ne'e diferente entre escola pública ho escola privada sira? Será que escola pública ne'e Maubere nia oan sira mak escola iha-ne'ebá, e escola privada ema rico-na'in sira-nia oan sira mak escola iha-ne'ebá, tanba ne'e mak nia qualidade ne'e la hanesan?

Segundo, preocupação ida mós kona-ba educação, liuliu liga ba merenda escolar. Ha'u acompanha diretamente iha terreno liga ba merenda escolar, iha tempo bailoro ita-nia oan sira-ne'e han iha rai-rahun nia laran, tuur iha rai-rahun, han mós hasoru rai-rahun, iha udan sira han fali iha udan laran. Oinsá no bainhira mak condições ida-ne'e bele muda, atu nune'e ita bele dignifica ita-nia oan sira-ne'ebé sei sai hanesan geração continuador ba ita-nia Nação ida-ne'e ba oin?

Terceiro, ha'u hakarak questiona uitoan declaração maluk sira husi Bancada CNRT nian, ne'ebé critica katak «Deputado tun ba halo serbisu Governo ninian». Ha'u liga uitoan ba evicção sira-ne'ebé uluk VIII Governo halo, tanbasá mak Deputado sira husi bancada oposição la tun bá haree? Tanba evicção ne'ebé VIII Governo halo ne'e halo ho digno, fó uluk compensação, fó tempo ba ita-nia comunidade sira muda, então comunidade muda mós muda ho hamnasa, la iha matan-been. Hanesan representante do povo ne'ebé sente, haree, rona povo sira-ne'ebé halerik iha Fomento I no Fomento II, agora tun ona ba iha Bebonuk, Deputado sira sente, hanesan representante do povo, tanis halerik, tanba ne'e mak tun bá haree condições ne'ebé ema conta, ita haree iha mídia, toba iha *tratoar* nia leten, toba iha ponte okos, tebes duni ka lae. Afinal das contas, ita bá haree, realidade mak ne'e. Só para ba haree de'it atu fó resposta ba dúvida hirak ne'ebé ita-nia Deputado sira husi bancada do Governo questiona.

Quarto, kona-ba INDICA (Instituto para a Defesa dos Direitos da Criança), ne'ebé iha informação ida, relatório ida, mai kona-ba ita-nia oan sira-ne'ebé fa'an iha dalan-ninin. Instituto para a Defesa dos Direitos da Criança, ha'u lê iha relatório ida-ne'e dehan katak instituição relevante halo ona atuação ba ita-nia oan sira-ne'ebé fa'an iha fatin público sira, iha *lampu merah*, iha loja sira-nia oin, estrada pública sira, maibé, na realidade ita haree ação sira-ne'e sei la'o nafatin. Ha'u husu ba comissão ne'ebé tutela ba assunto ne'e atu tau em consideração e prioridade, atu tun, hamutuk ho comissão ne'ebé tutela, hodi previne ita-nia oan menoridade hirak ne'ebé ita-nia inan-aman sira usa sira-nia força criança nian ba interesse sira-nian.

Ha'u hanoin, ida-ne'e de'it mak ha'u-nia intervenção, Sr.^a Presidente.

Obrigada.

Sr.^a **Presidente**: — Tuirmai, ha'u fó kedas tempo ba Sr. Deputado Manuel Noronha.

Sr. **Manuel Henrique Noronha** (PD): — Obrigado ba oportunidade.

Lou Presidente do Parlamento Nacional, composição da Mesa, Lou no Na'i distinto Deputado sira, Vice-Ministro dos Assuntos Parlamentares, mília no povo rona-na'in hotu mak ami respeita, boa tarde.

Relaciona ho preocupação comunidade nian ne'ebé hakarak hato'o iha Uma-Fukun, Parlamento Nacional ida-ne'e, primeiro, comunidade husi Suco Coilate-Letelo, Posto Administrativo Hatulia, preocupa tebes ho estrada ne'ebé halo ligação entre Suco Coilate-Letelo ba Suco Raimerhei. Total população ne'ebé hela iha suco refere, chefe de família hamutuk 639 no população hamutuk 3159, e suco ida-ne'e rasik iha potência ba produto hanesan café, maek, baunilha no seluk tan. Maibé, problema ba sira mak ne'e, estrada nia condição ba sira la di'ak no grave tebes, hodi ajuda comunidade lori produto mai fa'an iha posto ka, liuliu, mai iha município atubele ajuda sira hodi hetan netik rendimento hodi sustenta sira-nia família. Além de ida-ne'e, hakarak hato'o mós katak Suco Coilate-Letelo, composto husi aldeia hitu, to'o agora comunidade sira seidauk hetan acesso ba eletricidade. Tuir informação husi chefe do suco, iha dia 9 de dezembro 2024, chefe do suco rasik hato'o ona pedido escrito ba Gabinete do Secretário de Estado da Eletricidade, Agua e Saneamento, maibé to'o agora seidauk hetan resposta.

Iha parte seluk, hakarak hato'o mós katak estrada ligação Ura-Hou ba Posto Administrativo Turiscai nia processo aterro foin to'o iha Suco Maulau, Posto Administrativo Maubisse. Tuir observação, valeta no muro proteção la iha, quando udan-boot, rai monu taka hikas estrada no bee sobu estrada no nia condição aat nafatin.

Ita tem que hatene katak Posto Administrativo Turiscai hanesan mós fatin histórico iha nação Timor-Leste. Primeiro Presidente da República Timor-Leste, Saudoso Francisco Xavier do Amaral, povo lubuk ida, ministro lubuk ida, comandante no forca lubuk ida mak mate hamutuk ho saudoso Presidente Nicolau Lobato iha rai Mindelo, Posto Administrativo Turiscai. Tuir loloos, fatin sira hanesan ne'e ita tem que tau prioridade hodi halo desenvolvimento, liuliu hadi'a netik estrada ho responsabilidade. Quando Turiscai ita tau prioridade hodi desenvolve halo didi'ak, ita bele hetan receita lubuk ida tanba área ida ne'ebé iha potência lubuk, hanesan potência ba produto sira, fatin ba turismo comunitário, fatin ba turismo religioso, fatin ba turismo histórico, bele mós atrai ema barak hodi bele ba halo visita iha-ne'ebá. Ho nune'e, liuhusi biban ida-ne'e, hanesan representante, ibun no lian husi lian-laek sira, hakarak hato'o ba Vice-Ministro dos Assuntos Parlamentares atu encaminha hela problema ida-ne'e ba ministério relevante hodi toma consideração.

Ikus, atu hato'o de'it katak intervenção ami-nian iha semana kotuk ko'alia kona-ba escola *kelas* paralelo ne'ebé taka, hanesan iha Manufahi no município seluk, liuliu semana rua kotukbá Sr.

Deputado Anacleto hato'o mós kona-ba Viqueque, problema ida-ne'e ita levanta tanba ne'e iniciativa mak loke *kelas* paralelo, ami seidauk hetan resposta husi Ministério da Educação, escola ida husi 4 de Setembro mak fó fali resposta ida-ne'e. Diferente, escola hotu la hanesan, ne'ebe husu ba Vice-Ministro atubele encaminha hodi bele atende problema ida-ne'e, tanba ita-nia comunidade, iha semana kotuk, iha sábadu, quando professor na'in-rua husi escola *induk* 1912 ba encontro ho inan-aman sira no mós estudante sira iha Fahinehan, – ha'u la hatene Vice-Ministro hatene ka lae – quando professor na'in-rua ne'e mai, toba iha *Kakae*, la bele liu tanba mota boot no iha loron ne'e kedas iha comunidade ida, to'o agora seidauk hatene mane ka feto, bee lori to'o agora seidauk hetan, tanba ida-ne'e mak *kelas* ida-ne'e loke iha-ne'ebá para facilita labarik sira-ne'e.

Obrigado.

Sr.^a **Presidente**: — Tuirmai, ha'u fó tempo ba Sr. Deputado Anacleto Freitas.

Sr. **Anacleto Freitas** (CNRT): — Obrigado ba tempo.

Ha'u-nia respeito ba Presidente Parlamento Nacional, composição da Mesa, ha'u-nia respeito mós Vice-Ministro dos Assuntos Parlamentares, colega Deputado no Deputada sira hotu, mídia, assessor no técnico sira e povo Timor laran tomak, boa tarde ba ita hotu.

Foin daudauk, ha'u tun ba kraik, bá visita eleitor sira iha Posto Watulari, iha-ne'ebá povo nia preocupação mak ida-ne'e:

Primeiro, iha área Queturai, Sigilari, Bobolaco, sira precisa hela ahi naroman, tanba sira iha-ne'ebá to'o a data eletricidade la ba iha-ne'ebá, ne'ebe sira exige hela ida-ne'e para depois, bele karik, ita-nia Governo bele haree, atu nune'e atende sira mós hanesan povo sira seluk.

Segundo, ha'u hakarak atu ko'alia kona-ba Suco Sana. Iha-ne'ebá ne'e bee atu sobu ita-nia comunidade, ne'ebe sira exige hela, karik bele, hato'o hela ba ministério relevante atu nune'e halo netik muro proteção ida para depois bee ne'e labele sobu ita-nia população sira iha Suco Sana ne'ebá. Ida-ne'e mak sira hato'o ba ha'u.

Terceiro, ha'u hakarak comenta uitoan, ha'u rona ita-nia Deputado sira-nia intervenção ne'e halo buat ida que ladún tama iha ita-nia kakutak, mak ida-ne'e: ita halo intervenção ne'e devia ita ko'alia ita-nia programa ka saida... maibé ita hakarak buka para insulta ema. Ha'u, nu'udar compatriota ida, ladún simu buat ida-ne'e, dehan fali Xanana ne'e bosok-teen, Xanana ne'e halo *pembodohan* ba nia população, fó terus ba nia população, ida-ne'e ha'u la aceita tebes. Ita labele *bandingkan* ita-nia an ne'e ho Maun Boot Xanana! Ha'u husu ba ha'u-nia maun-alin sira-ne'ebé iha FRETILIN, tem que halo política ne'ebé di'ak! Mas, política ida-ne'ebé atu hamihis fali povo be FRETILIN ne'e nia fiar ba FRETILIN, aban-bainrua na'in hira tem que iha responsabilidade mak ne'e.

Sr. ida Sinarai ne'e ko'alia tem que cuidado! Ne'e ha'u mak ko'alia. Labele sukat nia an ho Maun Boot Xanana, ne'e ha'u la aceita! Xanana ne'e património Estado nian. Ó-nia aman Sinarai de'it mós ema respeita ona, fará mais ó la respeita Xanana? Ó ne'e saida? *Kok* ó sukat ó-nia nia an ho Maun Boot Xanana?

Ita ema ne'e tem que respeita, ita mai iha-ne'e povo mak hili ita, oinsá ita halo buat di'ak para povo ne'e bele fó confiança mai ita. Ita-Boot hatudu liman hanesan ne'e dala ruma FRETILIN mós la gosta ita. Ha'u ko'alia porque ha'u mós mai husi geração FRETILIN.

Ha'u respeita líder hotu-hotu, mas Sr. Sinarai ne'e ko'alia arbiru de'it, cuidado! Nia tem que sukat nia liafuan! Ne'e ha'u mak ko'alia. Líder hotu-hotu ami respeita, mas Sr. Sinarai labele ko'alia arbiru hasoru Maun Boot Xanana! Ne'e ha'u mak ko'alia ba Sr. Sinarai ne'e. Ne'ebe, Sr. Sinarai tem que sukat nia ibun!

Ida atu ko'alia kona-ba mina-rai iha Beço ne'e tanba saida mak muda mai iha Natarbora, Manatuto, tanba saida? Se la hatene cronologia, tem que husu, labele mak mai iha-ne'e naran foti arbiru, depois ataca ema seluk, labele!

Ami iha-ne'ebá ne'e processo hala'o hotu to'o *mentok* atu hamamuk fatin. Dalan mós loke tan tiha ona, dalan Beço taka para liuhusi dalan corta, muda sai ema sira-ne'e karik bele iha acesso ba dalan, dalan ami loke. Mas, tanba saida mak muda, parece que iha buat balu ne'ebé la di'ak. Se la hatene, husu para ema bele explica ba Ita-Boot sira, labele mai iha-ne'e foti de'it ida-ne'e, ida-ne'ebá, ne'e ha'u ladún concorda.

Ha'u-nia intervenção mak ne'e de'it, mas, ha'u husu ba Sr. Sinarai ko'alia tem que sukat ibun!

Obrigado.

Sr.^a **Presidente**: — Tuirmai, Sr.^a Deputada Lúcia Taeki.

Sr.^a **Lúcia Taeki** (CNRT): — Di'ak, obrigada ba tempo.

Presidente no componente da Mesa mak ha'u respeita, ba colega Deputada no Deputado sira, Sr. Vice-Ministro dos Assuntos Parlamentares no povo rona-na'in sira.

Bainhira Senhora Deputada halo hela intervenção, iha deputado balu haksasuk malu.

Rona lai ita ko'alia ka!

Ha'u secunda declaração política Bancada CNRT nian kona-ba evicção iha Fomento, IX Governo nia estratégia di'ak e loos hodi evita desastre acontece iha mota Comoro. Ohin ita hotu hatene atu critica de'it, maibé aban-bainrua sei fó benefício ba ita hotu.

Ha'u atu fó-hanoin filafali ita kona-ba ex-Presidente Jokowi, momento ne'ebá sei hanesan *Gubernur DKI Jakarta*, nia mós halo evicção boot ida, *penggusuran* boot tebetebes iha Jakarta hodi evita *banjir* iha-ne'ebá. Agora daudauk acontece saida? Povo di'ak to? Então, aban-bainrua mós ita sei sai hanesan ne'e, ida-ne'e mak ha'u fó-hanoin fali ba Ita-Boot sira.

Sr. Vice-Ministro, ko'alia kona-ba preço *ticket* avião *Aero Dili*, ohin ha'u-nia colega sira ko'alia kona-ba *ticket* avião Díli – Bali, ha'u ko'alia *ticket* avião Díli – Oe-Cusse.

Foufoun ita hotu rona dehan preço ne'e 20 USD, ne'e bainhira ita foti antes semana ida, quando besik loron ida, rua ka tolu, sa'e ba 24 USD ou 26 USD e urgente ne'e 28 USD to'o 30 USD, e agora daudauk ita la hetan ona 20 USD, ita hetan fali 40 USD.

Avião ne'e, povo Oe-Cusse la'ós questiona ba folin ka preço, maibé hatete loloos, uluk avião ki'ik ne'e 50 USD mós povo sei la'o bá-mai, se ita avisa 20 USD, atu bá foti mak nia folin oin seluk, ida-ne'e mak povo Oe-Cusse questiona.

Atu ko'alia uitoan kona-ba alin sira ka ita-nia oan sira-ne'ebé sei fa'an sasán iha estrada-ibun no iha loja, kona-ba assunto ida-ne'e Comissão F halo ona seminário iha nacional, iha município sira liga ho Lei Proteção das Crianças, Jovens em Perigo ba Ministério hotu-hotu, liga mós ho instituição ne'ebé agora daudauk serbisu ba área ida-ne'e.

Ha'u mós atu ko'alia katak ami-nia Presidente Partido CNRT, Maun Boot Kay Rala Xanana Gusmão, la bosok, nunca bosok-teen. Se nia bosok karik, então ami la tuur iha Parlamento ho cadeira 31, *jadi* Ita-Boot sira-ne'e ko'alia tem que cuidado, labele ko'alia *asal bunyi*!

Mak ne'e de'it.

Obrigada.

Sr.^a **Presidente**: — Tuirmai, ha'u fó kedas tempo ba Sr. Deputado Mateus da Cruz de Carvalho.

Sr. **Mateus da Cruz de Carvalho** (CNRT): — Obrigado ba Presidente.

Bom dia ba Presidente, composição da Mesa, colega distinta no distinto Deputado sira hotu, Excelência Vice-Ministro.

Ha'u, em primeiro lugar, atu secunda de'it declaração política bancada nian kona-ba processo evicção.

Iha desenvolvimento ne'e tem que hetan nia consequência. Se ita mak protege nafatin, quer dizer que ita mak fó duni espaço ba população sira atu ocupa nafatin fatin sira-ne'ebé risco ba desastres naturais tanba, depois ita haree, analisa didi'ak situação ne'e, se ita haree husi estrada-ibun ne'e rasik, uma ne'e iha fatin ne'ebé bele hela, mas depois de ema sobu hotu remata, ita haree katak uma sira-ne'e quase maioria iha duni mota laran, ne'e fó risco tebetebes, hakarak ou lakohi tem que hasai duni. Loos, tanba ita halo prevenção, se ita husik nafatin, ida-ne'e mak continua nafatin, quer dizer ita mak

fó duni coragem ba povo sira: «imi ocupa, ocupa nafatin bá, la iha buat ida», tanba ne'e hakarak ka lakohi tem que hasai, e la'ós tanba hakarak hasai de'it, atu previne mós sira husi risco ne'ebé iha, tanba acontecimento ne'e ita la hatene. Tanba seidak iha acontecimento ruma ema mate ou bee lori ema mak ita ko'alia ibun boot, quando ema ruma bee lori, ita atu fó culpa ba sé? Tanba ne'e Governo tem que toma responsabilidade ida-ne'e, hakarak ka lakohi processo tem que la'o.

Segundo, ita haree katak iha Díli laran engarrafamento ne'e começa maka'as tebetebes, iha dadeer, meio-dia no loraik horas sai serbisu, ita haree movimento transporte nian ne'e maka'as tebetebes.

Ha'u hanoin katak precisa ona estudo ida para haree to'ok oinsá para fatin sira-ne'ebé risco ba engarrafamento ne'e. Por exemplo, ida iha BNCTL nia oin, Avenida Presidente Nicolau Lobato ne'e, se bele espaço ida-ne'e livre, labele halo fali estacionamento iha-ne'ebá. Estacionamento iha-ne'ebá, quando to'o *lampu merah* ona depois ita atu ultrapassa *lampu merah*, ida sorin, verde tiha ona, sei pára iha klaran hela. Ha'u hanoin, tem que haree didi'ak ida-ne'e para buka decisão ruma atubele hasees an husi engarrafamento sira-ne'e. Se bele karik, husi rotunda estátua Presidente Nicolau Lobato to'o mai Lecidere ne'e labele halo fali estacionamento iha estrada público sira tanba ida-ne'e prejudica tebes, engarrafamento.

Tuir tan fali mai, kona-ba sinal trânsito sira-ne'ebé iha capital Díli, ita haree quase balu ema estraga, *zebra cross* sira-ne'e tinta começa lakon hotu ona, ita husik hanesan ne'e de'it? Tanba ne'e fó risco ba ema nia vida. Questão ida-ne'e ita foti beibeik, mas to'o agora nunca resolve.

Ida tan, foin lailais ami halo visita ida bá Ministério da Educação, ami haree katak Ministério da Educação nia edifício ne'e iha risco boot, ne'e tempo naruk, mas agora continua nafatin utiliza. Ha'u hanoin, se bele, tau hela atenção ba ida-ne'e tanba iha ema barak tebetebes mak serbisu iha fatin ne'ebá, mas ho condição edifício ida-ne'ebé ita haree katak la merece duni.

Depois, ADN bá halo ona teste iha-ne'ebá mós hatete katak edifício ne'e la bele halo reabilitação tanba ninia condição física uma ne'e nian rasik la serve duni atu serbisu iha-ne'ebá, tanba ne'e ha'u fó-hanoin hela para depois haree to'ok.

Tuirmai atu secunda mós saida mak ohin Deputado Natalino questiona, kona-ba saida maka Deputada Lúcia fó-sai, preço *ticket*.

Depois de ita halo visita ida bá Oe-Cusse, iha fronteira ita haree katak ema barak mak sai husi fronteira. Ita husu ba sira: «atu bá ne'ebé?», «atu bá consulta», «tanbasá mak la liuhusi Aeroporto Internacional Nicolau Lobato?», «preço *ticket* avião karun demais».

Ha'u la hatene preço *ticket* ne'e nia barómetro ne'e saida, tanba preço *ticket* ne'e, ita haree, husi Díli bá Bali ne'e hanesan mós husi Bali bá Singapura e ninia duração de tempo ne'e quase hanesan de'it, quase duas horas de tempo, maibé husi Bali bá Singapura preço ne'e barato fali, depois husi Díli bá ne'e preço ne'e karun tebetebes, quase dobro. E depois, avião seluk atu tama ita prejudica. Avião ida *Air Asia* ne'e processo sai tiha ona, to'o agora atu tama mas la consegue tama to'o agora, la hatene

tanba saida. Ha'u hanoin, ida-ne'e precisa atenção. Tanba la iha competição, iha voo rua de'it ne'ebé halo viagem Dili bá li'ur, então sira mak monopólio tiha preço ne'e.

Ha'u hanoin, ida-ne'e de'it mak ha'u hakarak foti.

Obrigado, Presidente.

Sr.^a **Presidente**: — De seguida, ha'u fó kedas tempo ba Sr.^a Deputada Carminda Carlota.

Sr.^a **Carminda Carlota** (CNRT): — Bom dia ba Presidente, ba componente da Mesa, ba distintos distintas e distintos Deputados hotu, Excelência Vice-Ministro dos Assuntos Parlamentares, mídia no ba povo doben hotu mak ha'u hadomi.

Dadeer di'ak ba ita hotu.

Uluknanain, ha'u atu secunda tan de'it declaração husi Bancada CNRT, e ha'u mós hakarak fó parabéns ba ami-nia IX Governo, liuliu ba SEATOU, tanba ema barak ohin loron bele hasai liafuan kro'at ba Ita-Boot, bele trata Ita-Boot, maibé loron ida ema hotu sei fó apreciação ba Ita-Boot tanba cidade Díli e Timor nia furak.

Tanba Ita-Boot nia fuan mós la'ós fatuk e la'ós mós besi, Ita-Boot mós ema humano hanesan ema seluk, maibé Ita-Boot pronto simu trata e tolok tanba Ita-Boot hatutan de'it mehi herói sira-nian ne'ebé mate ba ukun an ida-ne'e, ne'ebe, ha'u fiar, loron ida ema hotu ne'ebé trata Ita-Boot sei haree Timor nia furak, liuliu cidade Díli, tanba Governo ida-ne'e halo serbisu hotu baseia ba lei.

Ha'u mós atu ko'alia uitoan kona-ba estrada ne'ebé começa aat ona iha Díli laran, liuliu, Sr. Vice-Ministro, iha área Bairro Pite, Farol, fatin seluk, karik ami husu ba ministério competente atubele haree ba assunto estrada sira antes nia volume aat aumenta tan.

Ha'u mós husu ba IGE bele tau matan mós ba estrada iha Julo, Posto Lolotoe, ne'ebé aat, dificulta tebes ita-nia povo sira atu la'o bá-mai husi suco ida bá suco seluk.

Iha-ne'e ha'u mós atu clarifica ba colega Deputada balu ne'ebé foti kona-ba assunto Clínica Lour iha semana kotuk katak clínica ne'e taka tinan ida ona, ne'e la loos! Tanba clínica ne'e ativa hela. Agora daudaun iha parteira ida ho enfermeiro ida mak fó hela assistência saúde ba ita-nia povo sira iha Lour.

Husi assunto Clínica Lour ne'e ha'u nota katak dala barak assunto saúde e educação ne'ebé Ita-Boot sira foti cada segunda ho terça iha Parlamento ne'e, bele barak mak la loos tanba rona de'it e la haree ho matan, mai foti ona iha Uma-Fukun ida-ne'e.

Liuliu mós kona-ba educação, estudante sira escola di'ak hela. Ha'u halo hela ha'u-nia visita eleitoral ida bá Suco Anon, Posto Lolotoe, ha'u consegue dada lia uitoan ho mestre sira iha-ne'ebá, sira conta mai ha'u katak «Deputada, ami-nia estudante sira iha-ne'e ami hanorin di'ak hela e la iha problema, maibé segunda e terça iha Parlamento ne'ebá ko'alia de'it mak kona-ba educação».

Tanba Ministra da Educação mós durante ne'e halo hela nia visita ba município hotu-hotu hodi hasoru malu ho professor sira – agora daudaun, se la sala, Ministra Educação hala'o hela nia serbisu iha Lospalos – ne'ebe, ami husu ba colega Deputado sira, antes atu foti problema ruma iha Parlamento ne'e, bele haree lai. Liuliu ohin temi ona caso ida kona-ba Clínica Lour ne'ebá, iha-ne'ebá ita-nia povo sira hala'o serbisu di'ak hela, mas ita mai foti iha Parlamento ne'e dehan clínica ne'e la ativa tinan ida liu ona.

Obrigada, Sr.^a Presidente.

Sr.^a **Presidente**: — De seguida, ha'u fó tempo ba Sr. Deputado António Verdial de Sousa.

Sr. **António Verdial de Sousa** (KHUNTO: — Muito obrigado, Sr.^a Presidente.

Ba dahuluk, ha'u secunda declaração política ne'ebé Bancada KHUNTO halo ba ohin loron.

Ba daruak, ha'u acompanha ho sério tebetebes kona-ba colega distinto Deputado hotu-hotu ne'ebé ko'alia kona-ba despejo administrativo, iha-ne'e, ha'u filafali ba ha'u-nia declaração política iha semana kotuk, ne'ebé ha'u hatete, «quando ita ko'alia kona-ba despejo administrativo, ne'e alternativa ikusliu ne'ebé Governo tem que foti».

Hanesan ita hotu acompanha no haree, katak serbisu ne'ebé SEATOU halo, ninia tarefa ne'e ho base fundamental mak Lei n.º 7/2007, de 19 de abril, nakait ba Ordenamento Básico do Território.

Ha'u atu hatete katak ha'u ko'alia ho fuan, ha'u la iha conflito interesse, la iha ema ida mak atu haree ita-nia cidade ne'e hela la ho ordenado. Dala ida tan, la iha ema ida hanoin nune'e, hotu-hotu hakarak suporta.

Ita mós precisa compreende no recorda lei hirak ne'ebé existe. Especialmente ita-nia Constituição da Republica Democrática de Timor-Leste, iha artigo 54.º, iha n.º 3 ne'e hatete claro katak «Requisição ka expropriação tanba pública bele halo de'it ho indemnização justa, tuir lei», sim, claro! Maibé, ohin mós ha'u rona katak só sasán privado mak selu ou indemniza, sasán ne'ebé la'ós privado la selu. Maibé, favor boot ida, ha'u sempre ko'alia no hakilar iha-ne'e, tratamento kona-ba assunto rai no propriedade ne'e tem que dimensional, *dimensi* economia, social, política, cultural no defesa, ida-ne'e tem que trata no serbisu ne'e tem que integrado.

E depois, ita mós tem que hatene no compreende katak exige hela Lei n.º 1/2003, iha-ne'ebá claro, entidade competente ne'ebé atu executa ordem ne'e mak Secretaria de Estado de Terras e Propriedades, descreve claro iha artigo 17.º.

Ita ko'alia kona-ba buat ida despejo administrativo, ita bá iha Capítulo III, artigo 7.º e 8.º, nia requisito ne'e claríssimo, ne'ebe precisa ita lê buat sira-ne'e halo didi'ak para ita bele entende sasán sira-ne'e ho di'ak.

Iha-ne'e ha'u hatete, iha semana kotuk mós ha'u rona distinto Deputado balu ko'alia, kona-ba uma hirak ne'ebé Estado administra, no ita hatene katak claro iha Decreto-Lei n.º 19/2004, temporariamente sasán, soin metin hirak ne'ebé Estado português, Estado indonésio ka privado nia sasán ne'ebé sira husik hela ne'e Estado mak administra. Quem é que vai administrar, é a Direção Nacional de Terras e Propriedades.

E depois, balu mós ko'alia kona-ba uma hirak ne'ebé Estado indonésio ka Estado português husik hela e iha cidadão Timor ne'ebé tama iha-ne'ebá, nia celebra contrato e depois nia subarrenda, ne'e la sala ida! Tanba lei mak haruka, lei mak decreta, Decreto-Lei n.º 19/2004 mak decreta kona-ba afetação oficial atos arrendamento sira-ne'e ho duração tempo mak determinado. E, artigo 17.º husi Decreto-Lei n.º 19/2004, fó-hatene katak nia bele fó subarrendamento, importante mak tem que relata ba Ministério da Justiça atu regista, maibé ho nia requisito iha-ne'ebá, ita tem que hala'o tuir requisito hirak-ne'e.

Iha-ne'e ha'u atu hatete katak, nu'udar Deputado, na qualidade de Deputado, eu não tenho conflito de interesse, e ha'u la halo intervenção ba órgão soberania, especialmente órgão executivo ne'ebé trata assunto ida-ne'e.

Ita mós tem que haree ba artigo 171.º Constituição da República, iha-ne'ebá hatete, hasai rico-soin la tuir lei, hasai rico-soin móveis no imóveis la tuir lei, ne'ebé halo molok lei inan ne'e tama iha vigor, sei haree nu'udar crime, sim! No tem que hakotu tuir Lei-Inan no lei-oan haruka.

Ha'u atu hatete de'it, quando ita halo Constituição no ita halo Lei n.º 1/2003, Decreto-Lei 19/2004 no Lei n.º 12/2005, ne'ebé muda tiha ona ba código civil ou código de processo civil, nia espírito da lei ne'e atu regulariza situação, dala ida tan, nia espírito lei ne'e atu regulariza situação! Iha regularização ne'e mak ita tem que haree ba perspectiva lei nian, la'ós haree tuir ha'u, la'ós ohin ha'u kaer sasán ida-ne'e no aban ne'e halo tuir de'it ha'u-nia arrogância, ne'e labele! Favor boot ida.

Dala ida tan, ha'u contente no acompanha nafatin, foin daudaun ne'e ha'u haree SEATOU hamutuk ho entidade governamental ne'ebé serbisu hamutuk, halo socialização iha Becora, maibé ha'u espera katak futuramente tem que la'o hamutuk nafatin.

Muito obrigado, Sr.^a Presidente.

Sr.^a **Presidente**: — De seguida, ha'u fó tempo ba Sr.^a Deputada Maria Gorumali Barreto.

Sr.^a **Maria Gorumali Barreto** (CNRT): — Obrigada ba Sr.^a Presidente.

Ha'u-nia boa tarde ba Sr.^a Presidente no composição da Mesa, ba carro distinto Deputado sira, ba Sr. Vice- Ministro dos Assuntos Parlamentares, audiência tomak no rona-na'in Rádio Parlamento Nacional.

Primeiro, ha'u secunda ho declaração política Bancada CNRT nian, ida-ne'e mak declaração ida-ne'ebé loloos ba povo doben Timor-Leste compreende no hatene di'ak liután kona-ba serbisu SEATOU nian, ne'ebé salva povo husi ameaça mota boot. Ação sira-ne'e halo baseia ba inundaçāo ida-ne'ebé acontece iha dia 4 de abril de 2021. Husi referēncia ida-ne'e mak Governo ida-ne'e, atu salva nia povo, tun ba ho hanoin katak labele acontece tan situaçāo ida-ne'ebé acontece iha 2021.

Balu hatete katak «Maun Boot Kay Rala Xanana Gusmāo ba toba iha estrada», ha'u-nia pergunta ba Ita-Boot sira: tanbasá mak Ita-Boot sira la tun ba hodi defende povo? E depois, Fomento sira-nia situaçāo, nu'usá mak la toba hanesan Maun Boot toba iha-ne'ebá? Tanba iha situaçāo ida-ne'ebé acontece la hanesan ho situaçāo ida-ne'ebé acontece wainhira Maun Boot ba toba iha estrada tanba haree ba iha ninia povo ne'ebé mate, hakoi ho *bulldozer*, situaçāo *Covid-19* nian, no mós ho mate sira-ne'ebé la'ós tanba *Covid*. Ida-ne'e sai hanesan referēncia ba mundo internacional, no fim matebian sira-ne'e ba hakoi ho digno iha cemitério comum. Mas, ita la fó apreciaçāo, ita lori ida-ne'e mak sai fali ita-nia razāo hodi defende an.

Segundo, ha'u ko'alia kona-ba assunto veteranos, ha'u hakarak fó ha'u-nia apreciaçāo ba Ministério para os Assuntos dos Combatentes da Libertação Nacional ho Conselho dos Combatentes da Libertação Nacional ne'ebé fó-sai ona lista verificaçāo dados 2009 nian ba público iha 15 de janeiro de 2025. Verificaçāo dados 2009 nian hahú husi 2019 to'o 2023, e foin valida, fó-sai iha 15 de janeiro 2025, ha'u aprecia. Tanba saida? Fó-sai naran sira-ne'e ba público atu nune'e maluk veterano sira haree didi'ak lista naran sira-ne'e. Karik la satisfaz, bele halo reclamaçāo! La satisfaz karik tanba dedicaçāo ne'ebé iha la tuir Ita-Boot sira-nia participaçāo ou naran sira-ne'ebé mosu tanba falsificaçāo, karik tanba ódio vingança ou la gosta malu, karik tanba situaçāo passado 1975 nian, então, tempo ida-ne'e tempo ida-ne'ebé di'ak tebes ba maluk veterano sira para bele halo reclamaçāo baseia ba artigo 18.º Lei n.º 3/2024, de 12 de junho, Terceira alteraçāo à Lei n.º 3/ 2006, 12 de abril, Estatuto dos Combatentes da Libertação Nacional.

E ba maluk sira husi KHUNTO, ha'u hanoin katak declaração política Ita-Boot sira-nian, ha'u mós sai fali la hatene, tanba alteraçāo Lei n.º 3/2006 ne'e lori mai generalidade iha Parlamento Nacional, e depois, especialidade iha Comissão F e membro husi Bancada KHUNTO iha-ne'ebá, final global lori fali mai iha-ne'e, tanbasá la questiona ida-ne'e? Agora ita husu fali ida-ne'e ba Sr. Vice-Ministro atu explica. Ne'ebe, favor ida, lê iha artigo 27.º Lei n.º 3/2006 nian.

Ikus, haree kona-ba progresso *Greater Sunrise*, ha'u la hatene Deputado ne'ebé ko'alia – nia la iha tiha – Deputado ne'e ko'alia katak *pembodohan publik* – ko'alia tiha, nia sai tiha – ha'u hakarak atu dehan ba nia hanesan ne'e: declaração conjunta entre Primeiro-Ministro Austrália ho Primeiro-Ministro Timor-Leste kona-ba kadoras mai Timor-Leste ne'e Austrália comprometido ona, e Austrália apoia Timor-Leste nia ema atubele bá halo formaçāo iha Austrália hodi serbisu iha refinaria ou produçāo mina nian, ho nune'e dada kadoras mai Timor-Leste karik ita iha recursos humanos ne'ebé

preparado. Mas, Deputado ne'e dehan *pembodohan publik*, nia mak halo *pembodohan publik*, tanba ne'e mak segunda-feira ho terça-feira sempre foti questão ida-ne'e hodi halo *pembodohan publik* ba sira-nia interesse...

Sr.^a **Presidente**: — Muito obrigada.

Sr.^a **Maria Gorumali Barreto** (CNRT): — ... Ikusliu, nia dehan, *jalan...*

Senhora Presidente desliga Sr.^a Deputada ne'e nia microfone tanba ninia tempo ba intervenção hotu ona.

Sr.^a **Presidente**: — O tempo acabou, a Sr.^a pode fazer declaração política. Ha'u sugere para ita la hatán malu, a Senhora tem dez minutos mais cinco minutos. Ha'u husu desculpa, maibé ha'u tem que gere tempo.

De seguida, Sr. Deputado Domingos Augusto.

Sr. **Domingos Augusto «Deker»** (CNRT): — Obrigado ba oportunidade.

Ha'u-nia respeito ba Sua Excelência Presidente do Parlamento Nacional, componentes da Mesa, Excelência distinto no distinta sira hotu mak ha'u respeita mós, Excelência Vice-Ministro dos Assuntos Parlamentares.

Iha biban ida-ne'e, primeiro, ha'u secunda tebetebes declaração husi Partido CNRT liga ba evicção. Hakarak responde uitoan katak, sim, claro! Ita iha sentimento pertença ba sofrimento cidadão ida ka maluk ida nian iha ita-nia Rain, maibé sentimento pertença ba interesse nacional, ida-ne'e mak dever no obrigação timoroan tomak nian. Atu dehan katak interesse indivíduo, interesse grupo labele boot liu fali interesse nacional. Interesse nacional ne'ebé ha'u hakarak temi mak plano ordenamento território Timor-Leste.

Maluk Deputado balu mós dehan ukun tem que ho responsabilidade, sim! Ukun tem que iha responsabilidade, ita-nia povo mós, molok foti decisão, tem que iha responsabilidade, labele foti decisão anarquismo para depois ikusmai hamosu problema filafali ba sira-nia an rasik.

Ha'u atu hatete katak comunidade sira ka cidadão sira-ne'ebé kona evicção, ha'u rasik tuur iha-ne'e, ha'u-nia família barak ne'ebé, diretamente, antes ne'e ha'u sempre ko'alia ba sira katak iha mota proibido atu halo uma, mas ikusmai hakarak halo nafatin, ha'u considera sira ha'u-nia maluk, mas sira ulun-toos.

Segundo, preocupação kona-ba compromisso Sua Excelência Presidente do Partido CNRT, Maun Boot Xanana Gusmão, nian iha palco político, ne'ebé maluk sira considera katak bosok tebes no la iha

certeza, ha'u atu dehan katak bosok ka la bosok, certeza ka la certeza, precisa fó tempo. E, ita hotu, ha'u repete, ita hotu, sei confirma resultado iha Eleição Geral 2028, ita sei la halo milagre, ha'u repete tan katak sei la bele halo milagre.

Tuirmai, aproveita ha'u-nia tempo atu halo explicação uitoan liga ba lista registo 2009 nian, ne'ebé taka iha semana kotuk.

Primeiro, ha'u atu hato'o ba público katak hotu-hotu buka compreende objetivo husi loron 60, katak loron 60 ne'ebé Ministério Assuntos Combatentes da Libertação Nacional fó ba ita ne'e atu halo saida.

Atu reforça tan iha-ne'e, tanba saida mak ema ne'ebé merece hetan dedicação, mas la hetan fali, ida seluk ne'ebé la merece hetan fali, atu explica ba Ita-Boot sira katak, em princípio, tuir guião ne'ebé fó-sai husi Ministério para os Assuntos dos Veteranos, processo verificação tuir loloos ne'e labele halo recomendação. Cita ema cidadão ida-idak ninia realidade iha processo luta ba libertação nacional, e ikusmai sistema mak sei halo contagem.

Ha'u atu responde uitoan ba preocupação ha'u-nia maun Deputado Óscar Lima nian ne'ebé liga liu ba saudoso Adjunto Rui Fernandes nian, hanesan Atsabe oan, ha'u hatene sé mak Adjunto Fernandes. Maibé, hanesan explicação ne'ebé ha'u halo ona, katak ema ida la halo recomendação, maibé cita de'it ema ida-idak nia realidade, e nune'e sistema mak sei halo contagem iha-ne'ebá. Loron 60 ne'ebé fó ne'e atu halo buat ruma, e hatete katak lista ida taka sai bá ne'e la'ós perfeito.

Preocupação liga ba mártir sira-nia reconhecimento, liuliu mártir sira-ne'ebé mate jovem, ne'e lei uluk ita hotu hatene, maibé lei ikusmai altera, alteração ne'e ita, representante iha povo iha Uma-Fukun ida-ne'e, maka aprova, katak tanba saida mate jovem, ninia família, aman-inan, maun-alin, inan-feton la bele hetan, ne'e mós liga ba ita hotu ninia preocupação kona precipício fiscal, katak se ita aloca barak liu ba necessidade hirak-ne'e, orsida bele mós lori Timor-Leste ba risco. Sasán sira-ne'e hotu mak sai hanesan razão. Tanba ne'e...

Sr.^a **Presidente**: — Obrigada, tempo hotu ona.

Sr. **Domingos Augusto «Deker»** (CNRT): — ... Obrigado barak.

Sr.^a **Presidente**: — Ya, bele reserva balu ba fali aban.

De seguida, o Sr. Deputado Francisco da Costa

Sr. **Francisco da Costa «Ikulay»** (CNRT): — Obrigado, Presidente.

Boa tarde ba Presidente, Vice, Secretárias, Vice-Ministro dos Assuntos Parlamentares no ba Deputado sira hotu.

Ha'u iha assunto tolu ka haat, primeiro, ha'u hakarak secunda declaração Bancada CNRT nian, tanba ita hakarak ko'alia ne'e buat ne'ebé loos.

Qualquer Governo ida bá ukun, nia tem que hala'o duni nia programa no promessa ne'ebé nia halo ho eleitores iha tempo de campanha. Be agora ita bá protesta ho razão saida?...

Hakilar husi FRETILIN.

... Sim, razão balu ne'ebé Ita-Boot levanta, *ya*, ita concorda, mas, favor boot ida, ita labele hanesan reforça fali buat ne'ebé sala, katak lei maka hatete «labele ocupa espaço público!; Labele hela iha mota laran!; Labele hela iha área ne'ebé la iha benefício ka ita la iha direito atu hela!». Agora, ita bá ocupa, Governo bá hasai, nia consequência tem que toma. Agora ita hamutuk exige Estado ida-ne'e para tem que fó atenção ba povo ida-ne'ebé merece duni atu fó atenção, ida-ne'e mak ita tem que hato'o bá.

Segundo, Presidente, ha'u hakarak hato'o ba Vice-Ministro dos Assuntos Parlamentares: favor ida, assunto Guarda Lorosa'e ne'e nia processo ne'e to'o ona iha-ne'ebé? Se bele, favor ida, acompanha to'ok sira-nia processo ne'e iha ona ne'ebé, pelo menos fó netik resposta ida ba sira, tanba ita ko'alia kona-ba contribui ba Rai ida-ne'e sira mós hato'o ona sira-nia contribuição ba Rai ida-ne'e. Sira exige sira-nia direito, tanba ne'e merece fó duni resposta ida ba sira para sira bele hatene.

Terceiro, declaração ka preocupação husi Deputado balu sobre 30 000 000 USD, colega sira, qualquer governo ida troca malu, primeiro, nia mós tem que hatene katak execução cada ano fiscal ida-ne'e saldo Orçamento Geral Estado ida fila ba cofre Estado ka lae. Ne'e qualquer governo ida, primeiro-ministro ida tem que hatene. Na realidade, execução ida 30 000 000 USD ne'e osan declaração Tribunal de Contas sessenta e oito e tal milhões que la fila ba cofre Estado. Xanana dehan de'it 30 000 000 USD que la fila ba cofre Estado, segunda-segunda, terça ita levanta iha-ne'e, nu'udar Primeiro-Ministro, nia tem que ko'alia duni tanba osan la fila ba cofre Estado. Sala ne'e iha-ne'ebé, Colega sira? Depois, ita ko'alia dehan, «Eipa, Xanana la iha kbiit, Xanana bosok-teen». Colega sira, ida bosok malorek ba *publik*, ba povo ida-ne'e mak hanesan «Ró Haklosok sei mai haksolok povo Timor-Leste».

Ho 32 000 000 USD, Colega sira, 32 000 000 USD, imi la ko'alia ida-ne'e, Colega sira. Ne'e declaração pública, povo assiste, povo rona, imi la ko'alia ne'e, Colega sira. *Kok* imi preocupa loos 30 000 000 USD ida-ne'ebé Xanana dehan la fila ba cofre de Estado? É claro la fila ba cofre Estado, nu'udar Primeiro-Ministro, nia tem que ko'alia duni nune'e. Eipa, Colega sira, ita política, mas política ida, ha'u la hatene ita dehan *pembodohan*, *mas sebaliknya* ita mak autor *pembodohan* duni. Atu claro ne'e hanesan ne'e! Ita ko'alia ne'e lia-loos ba ita-nia povo para...

Pronto, evicção ne'e di'ak ka lae, povo barak halerik duni, la'ós imi mesak mak sente, ita hotu sente. Ita representa povo duni, mas qualquer Governo bá ukun, ida-ne'e mak tem que implementa duni, labele hela duni iha espaço público. Buat ne'ebé pertence ba ó nian, buat ne'ebé pertence ba povo tomak nian, labele duni, é solução mak ita tem que exige para oinsá sira-ne'ebé la iha kbiit...

Sr.^a **Presidente**: — Muito obrigada.

Sr. **Francisco da Costa «Ikulay»** (CNRT): — ... Obrigado barak.

Sr.^a **Presidente**: — Ya, sei iha aban, Sr. Deputado.

De seguida o Sr. Deputado José da Cruz.

Sr. **José da Cruz** (FRETILIN): — Obrigado, Presidente.

Ha'u-nia respeito ba Ita-Boot no composição Mesa, Sr. Vice-Ministro dos Assuntos Parlamentares, colega Deputada no Deputado sira hotu, ha'u-nia boa tarde ba ita hotu.

Primeiro, ha'u hakarak sustenta declaração Bancada FRETILIN nian sobre assunto educação. Educação ne'e assunto ida-ne'ebé ita tem que ko'alia duni tanba ba povo no Rai ida-ne'e nia destino, nia dalan mak educação.

Claro que ita hatene katak IX Governo tama ho tama iha problema kona-ba hapara professor no professora sira, ne'ebé ninia consequência ikus ne'e resulta ita-nia oan sira, provo nia oan sira-ne'ebé estuda didi'ak de repente ladún hetan processo aprendizagem ida di'ak tanba menos recurso ka professor professor sira, la to'o. Situação ida-ne'e hada'et ba to'o iha nível secundária nian, ne'ebe ha'u koko atu apresenta situação ida *real* e ho evidência ou fatos.

Ohin ha'u sei fó resposta mós ba preocupação balu. Exemplo maka, iha Escola Secundária Geral Don Samara, iha Posto Administrativo Balibó, escola ne'e foin harii, processo aprendizagem la'o hela, número de professor la to'o, usa de'it professor parcial sira iha-ne'ebá hamutuk na'in-13, estudante hamutuk na'in-600, professor permanente hamutuk na'in-neen, nia situação *real* iha-ne'ebá, estudante a nível secundária geral atu mai ona universidade, escola ne'e la iha cadeira e mesa, sira agora daudauk estuda hela iha rai, iha azulejo leten, *keramik* leten. Ne'e evidência, bele telefone direta agora!

Segundo, hatán ba Clínica Lour, ha'u la ko'alia ibun mamuk, ha'u la simu telefone, ha'u tun direta, clínica ne'e la funciona. Ne'e realidade, ha'u iha documento completo iha-ne'e! E inclui mós sala de aprendizagem Dom Samara iha Balibó, ha'u iha documento completo, bele apresenta foto ba Mesa para bele haree, estudante sira nível secundária ne'e agora daudauk estuda iha rai. Ida-ne'e mak ita hakarak verifica.

Primeiro-Ministro mai hatete iha-ne'e katak 2024 ne'e ami sei hadi'a sasán sira-ne'e, mas se acontece beibeik hanesan ne'e, ita, hanesan representante povo ne'e, nonook de'it ka? Oposição nia knaar ne'e mós atu fó-hanoin ba Ita-Boot sira. Buat ne'ebé la'o laloos, hadi'a! Se atu nonook de'it ne'e ita atu hadi'a ka? Ne'e mak realidade.

Tuirfalimai, hakarak hato'o mós ema barak nia preocupação ba polémica lista edital ba veterano sira. Lei n.º 3/2024, terceira alteração à lei n.º 3/2006, iha-ne'ebá iha artigo balu cita sé mak merece sai veterano, iha artigo 4.º ne'e hatete momoos, ida-ne'ebé hola parte iha processo hahú husi 1975 mai to'o 20 de Agosto 1999, sira-ne'e.

E iha artigo 5.º mós hatete sira-ne'ebé labele sai veteranos, ida-ne'ebé colabora ho inimigo, ne'e la merece atu sai veteranos. Lei ne'e hatete momoos. Agora, ministério ho equipa ida que boot, serbisu tinan barak nia laran, la consegue verifica ho didi'ak, ida-ne'e *sengaja* ka halo nu'usá? Se ida-ne'e mak acontece massivamente, precisa halo investigação!...

Sr.^a **Presidente**: — Muito obrigada.

Sr. **José da Cruz** (FRETILIN): — ... Obrigado, Presidente.

Sr.^a **Presidente**: — Ya, por último para intervenções, chamo o Sr. Deputado Saul Salvador.

Sr. **Saul Salvador H. J. Amaral** (CNRT): — Obrigado ba tempo.

Excelência Sr.^a Presidente, composição da Mesa, Excelência Vice-Ministro dos Assuntos Parlamentares, colega Deputada no Deputado sira, mídia e povo doben Timor-Leste.

Uluknanain, ha'u hakarak secunda declaração Bancada CNRT nian kona-ba polémica evicção. Iha declaração ne'e Bancada CNRT explica ho detalhes kona-ba interesse povo tomak nian ba plano urbano ba Nação no nia povo tomak.

Hodi responde ba intervenção, ba declaração política sira husi bancada oposição nian, ne'ebé educa ita-nia cidadão sira-ne'ebé ocupa espaço público, ocupa fatin risco para sacrifica sira-nia vida, bancada oposição apoia fali cidadão sira-ne'ebé hela iha fatin risco sira-ne'e, declaração Bancada CNRT explica claro tebetebes.

Tuirfali, preocupação população sira-nian sobre assunto estrada, liuliu iha capital Díli, iha Suco Madohi, Aldeia Rosário, estrada Beto ne'e tinan barak tebetebes Ministério das Obras Públicas la tau atenção, tanba ne'e, atu fó-hanoin ba Ministério das Obras Públicas atu haree para oinsá reabilita estrada refere. Tanba iha tempo udan estrada ne'e ho condição tahu, iha tempo bailoro rai-rahun barak hodi afeta sira-nia saúde, husu ba Ministério das Obras Públicas atu tau atenção.

Tuirfali, estrada conectividade entre capital Díli ho Covalima, husi Díli to'o Ainaro, ha'u hanoin, estrada nia condição di'ak, husi fali Sarai to'o Zumalai ne'e maka estrada ne'e até à data la hadi'a. Tanbasá? Ne'e estrada protocolo, então, se bele plano ne'e hahú husi capital, e conectividade liga município ba município, e para oinsá assegura ita-nia economia la'o di'ak.

Tuirfali, kona-ba estrada município liga ho posto, agora daudauk tempo udan, Deputado sira balu ohin foti ona, Tilomar bá Fohorem, quando tempo udan bee mak liu fali iha estrada klaran, hodi transporte público la bele ultrapassa. Ida-ne'e preocupação mai husi comunidade sira para oinsá mak hadi'a estrada refere.

Tuirfali, liga ho assunto veteranos nian ne'ebé hotu-hotu preocupa, hanesan colega Deputado barak que foti no mós Bancada KHUNTO fá-sai liuhusi ninia declaração política, katak dados falsos barak tebetebes, iha semana kotuk, depois de publica lista ne'e rasik, Excelência Sr. Ministro dos Assuntos Veteranos fó-sai kedas *press conference* katak sei fó tempo ba reclamante sira loron 60 atu reclama, karik iha lista dados falsos ruma. Ne'ebe, ida-ne'e mak Governo responde ba preocupação sira-ne'ebé colega Deputado sira levanta.

Ne'ebe husi ha'u mak assunto rua ne'e.

Obrigado ba tempo, Sr.^a Presidente.

Sr.^a **Presidente**: — Distintos Deputados, ha'u fó tempo ba Bancada da FRETILIN para última intervenção.

Halo favor.

Sr.^a **Nurima Ribeiro Alkatiri** (FRETILIN): — Obrigada.

Sr.^a Presidente, membros da Mesa, Sr. Vice-Ministro, distinto Deputado sira, Buibere no Maubere.

Povo mak rico-soin boot liu iha ita-nia Nação, tanba ne'e crucial atu iha investimento boot ba desenvolvimento capital humano.

Educação mak fundação principal ida ba nação ida-idak nia progresso. Bainhira sistema educação fraco, ita la bele iha esperança atu harii sociedade ida-ne'ebé inovativa, competitiva, equitativa no inclusiva. População ida-ne'ebé educada nu'udar rico-soin económico ida, ho fundação ba democracia, harmonia social no orgulho nacional.

Maibé, bainhira ita haree IX Governo nia falta investimento político no orçamental iha educação, ita haree disparidade ida-ne'ebé alarmante entre saída mak precisa no saída mak fornece. Bainhira la tau educação nu'udar prioridade principal ida, Governo condena geração sira ba kiak no atu moris iha obscurantismo nia laran.

Ita-nia povo mak ita-nia Nação nia fuan no clamar. La iha rico-soin natural ne'ebé bele troca força husi população ida-ne'ebé iha habilidade, educada no saudável, liuliu ita-nia povo ne'ebe maioria

jovem. Jovem ida-idak iha Nação ida-ne'e representa potencial boot ida, potencial ne'ebé bele contribui hodi dudu inovação, empreendedorismo no desenvolvimento.

Maibé, se continua la investe iha educação, ita, nu'udar Estado, sei falha atu desenvolve potencial ida-ne'e. Investe iha ema significa investe iha sira-nia educação, sira-nia habilidade no sira-nia futuro. Ida-ne'e significa cria oportunidade sira ba cidadão ida-idak atu contribui ho significativo ba sociedade no ba Nação.

Iha mundo, nação barak reconhece ona katak sira-nia sucesso depende ba sira-nia capital humano. Nação sira ho recurso natural uitoan liu ita-nian hetan desenvolvimento ne'ebé ultrapassa ita tanba sira compreende katak educação no desenvolvimento capital humano mak importante liu, no la'ós gasto ida, maibé investimento ida.

Governo precisa assegura katak ita-nia sistema educação la'ós de'it funcional, maibé excecional, precisa atrai no mantém professor qualificado sira, fornece recurso adequado ba escola sira no garante implementação merenda escolar ne'ebé eficaz ho qualidade no valor nutricional necessário ba ita-nia labarik.

Programa Merenda Escolar, hahú husi I Governo Constitucional kedas, ho objetivo atu contribui ba luta contra má nutrição, atu garante katak labarik iha escola bele hetan refeição ho valor nutricional di'ak, hodi contribui ba sira-nia saúde, no desenvolvimento físico no cognitivo. Infelizmente, ohin loron implementação dook husi objetivo.

Maluk sira, Governo iha dever atu fó prioridade ba ita-nia povo nia moris di'ak. Labarik ida-idak iha direito atubele tuur iha classe laran ho material ne'ebé adequado, ho professor ne'ebé qualificado, sem iha ta'uk atu sofre assédio ka violência iha escola, sem necessidade atu hapara escola tanba razão saida de'it, atubele desenvolve sira-nia an hodi sai cidadão di'ak ne'ebé bele explora sira-nia potencial tomak.

Educação no saúde mak pilar rua ba desenvolvimento Nação, ne'ebé iha ligação kle'an, hodi haburas sociedade ida-ne'ebé próspera no resiliente. Educação ida ho qualidade sei hakbiit indivíduo sira ho conhecimento, fiar an no habilidade sira-ne'ebé precisa atu hala'o moris produtivo. Ida-ne'e efetivo bainhira acompanha ho saúde di'ak, ne'ebé permite sira atu participa no contribui ba sociedade.

Labarik sira-ne'ebé saudável apreende di'ak liu, no ema sira-ne'ebé educado halo decisão sira-ne'ebé informado kona-ba sira-nia moris di'ak, hodi cria ciclo virtuoso ida-ne'ebé fó benefício ba Nação tomak.

Hamutuk, investimento iha educação no cuidado saúde fó kbiit ba população atu dudu inovação, hamenos kiak no harii coesão social, hodi garante desenvolvimento sustentável no progresso nacional. Ida-ne'e la'ós de'it questão política, ida-ne'e imperativo nacional ida.

Crucial atu investe iha educação no saúde nu'udar investimento atu sociedade bele próspera liu, justa liu, equitativa liu no unida liu. Se ita fiar duni iha potência ita-nia Nação nian, ita tem que prova ida-ne'e liuhusi ação. Pára ona atu halo povo nu'udar vítima ba má gestão no falta vontade política!

Sé mak ukun iha dever atu serbisu ho foco ba desenvolvimento ne'ebé povo iha centro, halo ação governativa ho sensibilidade humana, la'ós foti decisão ba interesse pessoal de'it. Povo Maubere terus barak ona no merece atu hetan educação, saúde, habitação, no desenvolvimento ho qualidade no dignidade.

Obrigada barak.

Sr.^a **Presidente**: — De seguida, ha'u fó tempo ba Bancada do KHUNTO.

Sr. **Luís Roberto da Silva** (KHUNTO): — Obrigado ba Presidente, ne'ebé fó tempo mai ha'u atu fundamenta ami, Bancada KHUNTO, nia declaração política iha ohin dadeer-saan.

Primeiro, husu nafatin ba Governo atu halo reverificação ba lista veterano sira-ne'ebé cria injustiça.

Segundo maka, hanesan ohin ha'u hatete, iha Suco Ossouala ne'ebá iha uma-kain 40 mak seidauk acesso ba linha eletricidade até à data. Precisa foti nota para encaminha ba ministério no mós EDTL atubele responde urgentemente ba assunto ida-ne'e.

Terceiro, iha Viqueque, Suco Beloi, sorin-sorin ne'e hetan hotu ona eletricidade, maibé iha uma-kain 20 resin mak seidauk acesso ba eletricidade, tanba hamosu discriminação ruma iha-ne'ebá. Tanba iha-ne'ebá comunidade rasik hola equipamento eletricidade nian, maibé até à data ita-nia EDTL seidauk tun bá halo instalação ba sira, ne'ebe precisa urgentemente responde mós ba ida-ne'e.

Ikusliu mak ha'u hakarak hatete hanesan ne'e: Ha'u-nia maluk Deputada ida ohin foin ko'alia kona-ba ha'u atu lê lei, ha'u pessoal dehan hanesan ne'e, ema *awam* ida la hanorin lei ba ha'u, quando *awam* ida. Ha'u sente komik uitoan.

Claro que politicamente Deputado sira husi Bancada KHUNTO mós participa iha discussão lei refere, maibé, coitado, ami ne'ebé hanesan Deputado husi bancada minoria ne'e submete de'it ba Ita-Boot sira-nia *power* política.

Hakarak ko'alia kona-ba lei ne'ebé ho loloos, ha'u foin foti referência husi matenek-na'in Prof. Dr. Satjipto Rahardjo, S.H. nian ne'e, ha'u hatete ba Ita-Boot: lei ne'e atu fó benefício ba povo. Ha'u la hatene Deputado foti referência husi ne'ebé mak dehan katak precisa ida-ne'e, maibé, ha'u foti referência ida-ne'e quando ita ko'alia kona-ba lei. Maibé política, ami minoria submete ba Ita-Boot sira-ne'ebé maioria. Mas, haree ninia implementação, realidade ne'ebé agora povo enfrenta, hamosu duni injustiça. Ha'u sadik Ita-Boot sira! Política minoria ne'ebe iha ami, bele ka lae, husu ba Ita-Boot sira maioria, atu halo «amandamento» ida ba lei ida-ne'e, Lei n.º 3/2024, kona-ba Estatuto dos Combatentes da Libertação Nacional?

Karik Ita-Boot sira hakarak ko'alia kona-ba lei, politicamente ami submete ba Ita-Boot, maibé ko'alia kona-ba realidade lei nian, dala barak la fó benefício ba povo. Ida-ne'e mak ita ko'alia. Ne'ebe ba ha'u pessoal, ema *awam* ida la hanorin lei ba ha'u. Politicamente, submete ba Ita-Boot sira maioria.

Ikusliu, ha'u hakarak hatete katak iha Bebonuk ne'ebá mós, Sr. Vice-Ministro, halo *penggusuran* ka evicção, ita-nia oficial ka superior ida husi PNTL, divisa superior iha PNTL, hetan hotu evicção. Maibé, coitado, nia cria fali barraca ki'ik ida iha-ne'ebá hodi hela de'it ho nia oan sira. Nia consegue duni hato'o ona proposta ou pedido balu ba comando, maibé até à data seidauk responde, ne'ebe evicção ida-ne'e precisa fó proteção ba ema mós. Tanba ema ne'e mós servidor ba Estado, hanesan membro PNTL ida, oficial superior ida, ne'ebé agora sai vítima iha-ne'ebá, ne'ebe husu ba comando, e hato'o mós ba Ministro do Interior para fó proteção ba ita-nia oficial superior refere, tanba husi comando, husi município Díli nian mós tun bá, de vez em quando, ko'alia ba vítima nia oan sira la usa linguagem ne'ebé educada, de vez em quando ko'alia buat ne'ebé la merece ba ninia maluk sira-ne'e. Tanba ne'e mak husu ba Sr. Vice-Ministro, favor ida, hato'o hela ba Excelência Ministro Interior, hodi tau matan urgentemente ba ita-nia oficial superior PNTL ne'ebé agora iha Bebonuk ne'ebá moris iha barraca nia okos, depois bá halo serviço iha Comando Geral.

Obrigado.

Sr.^a **Presidente:** — Ikusliu, ba última intervenção, da Bancada do CNRT.

Sr.^a **Virgínia Ana Belo** (CNRT): — Obrigada, Sr.^a Presidente.

Em primeiro, ha'u hakarak hatete katak questão ida evicção ne'e até ohin loron povo sira simu, colabora ho di'ak tebes. Ne'ebe, se bele karik, ita Deputado sira lalika halo fali politização tan.

Segundo, ha'u la hatene, ha'u Deputada tuan, tuur iha-ne'e iha VIII Governo, ha'u nunca hatene katak VIII Governo ne'e halo evicção ba população. Ne'e ha'u nunca hatene ida! E halo evicção depois bá tau população sira iha fatin digno, ne'e ha'u nunca rona, ha'u nunca hatene. Talvez halo iha kalan be ami la hatene.

Ida ha'u hatene mak ne'e, halo duni carta ba população sira atu muda sees, maibé sira la muda sees, então sira la brani, e la halo ona. Tanba membro do Governo momento ne'e hatete hanesan ne'e: «rai ida sira tuur ne'ebá la'ós povo baibain de'it, Deputado sira mós iha, membro do Governo sira mós iha, PNTL mós iha, FDTL sira mós, ne'ebe ha'u la tau ha'u-nia an ba risco». Ida-ne'e mak acontece.

Ida ha'u hatene loloos mak acontecimento iha dia 4 de abril de 2021, ne'ebé Governo rasik la bá ajuda população ida, Maun Boot Xanana, hamutuk ho ita-nia maluk balu ne'ebé iha osan, iha capacidade liu mak bá realoca fali ita-nia população sira bá fatin madre no padre sira-nian hodi fó ajuda sira, Governo nia oin la iha-ne'ebá ida.

Ha'u la hatene, Deputado sira-nia hanoin ne'e oinsá liga ba Maun Boot Xanana nia gesto ida be dehan bá toba iha fatin-fatin. Ohin Deputada balu ko'alia tiha ona. Ha'u mak hanesan Ita-Boot sira karik, ha'u mós agora daudauk ne'e bá toba hamutuk ho população sira, ha'u mak hanesan Ita-Boot sira, ha'u bá toba ho sira para depois ha'u hatudu katak ha'u hadomi tebetebes duni ha'u-nia população sira, halo liu tiha kedas Maun Xanana, di'ak liu.

Ha'u la hatene será que declaração conjunta ida entre Primeiro-Ministro Austrália ho Primeiro-Ministro Timor-Leste nian ne'e *pembodohan publik*, ha'u la hatene. Ka ita mak la lê? Ita mak la compreende? Ne'ebe ha'u la hatene saida mak acontece, hodi duun fali dehan Maun Xanana mak bosok. E, pior liután dehan estrada sira halo *jalan tol* sira-ne'e agora kuda ho karau mak la'o. Se Deputado la'o iha leten, então Deputado kala tama iha grupo ne'e ida, se la'ós kuda, então karau.

Hamnasa husi CNRT.

Liga ba *Greater Sunrise*, ha'u haree hanesan iha grupo balu que hakarak atu trava para depois *Greater Sunrise* ne'e labele mai Timor, hakarak atu dada ba Austrália. Ha'u haree hanesan iha grupo balu. Tanba ne'e mak ha'u husu, em nome da Bancada, se bele karik povo hotu-hotu tem que matan moris, tem que trava tiha grupo balu ne'ebé lakohi kadoras atu mai Timor-Leste, tanba iha, iha! Ne'ebe ita tem que *hati-hati*, ita tem que cuidado! Para depois combate tiha grupo sira-ne'e.

Ikusliu, Sr.^a Presidente, hanesan saida mak ohin Sr.^a Presidente fó-sai ona, katak dalan iha, regimento fó dalan para depois Parlamento atu bolu ka convida membro do Governo responsável ba área, assunto principal balu ne'ebé ita foti para hodi mai responde iha-ne'e, dalan regimento fó, maibé maluk sira husi oposição lakohi. Ha'u hanoin, ami, Bancada CNRT, hakarak declara iha-ne'e, karik bele, ami sugere para depois Mesa do Parlamento Nacional bele organiza to'ok baseia ba Regimento artigo 152.º hodi bolu membro do Governo responsável ba área evicção nian, ba área sira seluk ne'ebé segunda e terça, semana-semana, loroloron ita foti iha-ne'e para depois ita bele rona direta husi membro do Governo rasik.

Ida-ne'e de'it mak hakarak hato'o ba Sr.^a Presidente no ba colega sira.

Obrigada.

Sr.^a **Presidente:** — Distintos Deputados, iha pedido ponto de ordem, mas ha'u la fó ona tanba, se hakarak, halo declaração política.

Tempo ha'u fó ba Sr. Vice-Ministro dos Assuntos Parlamentares atu responde, maibé a maioria dos que perguntaram la iha-ne'e, ne'ebe, Ita-Boot resumidamente, o resto por escrito. Halo favor, tempo Ita-Boot nian 10 minutos.

Sr. Vice-Ministro dos Assuntos Parlamentares (Adérito Hugo da Costa): — Muito obrigado, Sr.^a Presidente Parlamento Nacional, membro da Mesa, distinta e distinto Deputado sira hotu, assistente tomak, boa tarde.

Ha'u bá direta. Ba declaração política Bancada FRETILIN nian ami regista, continua regista e continua husu nafatin fiscalização ida credível, ho informação ne'ebé credível liga ho desenvolvimento setor educação nian, tuir perspetiva oposição nian ne'ebé di'ak, perfeito, para ita bele hadi'a, eleva ita-nia educação iha Timor. Governo, tuir programa IX Governo nian ba setor educação, comprometido atu eleva educação iha Timor-Leste, ho introduz ona medida sira-ne'ebé tuir IX Governo haree katak bele resolve ona questão qualidade professor no qualidade estudante sira-nian, continua eleva infraestrutura sira iha escola, aumenta classe, aula sira, aumenta escola. Ne'e projeto sira iha hela, tama to'o suco. Sr. Deputado sira acompanha karik iha terreno, hadi'a escola, aumenta escola foun, até suco ho 67 postos ne'ebé iha.

Fiscalização halo didi'ak para haree iha terreno facto sira-ne'e. Portanto, 4000 aulas ne'e ki'ikoan loos atu implementa projeto hanesan ne'e. Satán agora ho ita-nia transição ba descentralização, ita fó poder ba setor privado sira iha município, hodi halo obra sira iha nível município nian, la'ós de'it depende ba setor privado iha nacional. Ida-ne'e mak ita halo hela, mas, Sr. Deputado sira, se setor educação ne'e ita hadi'a desde início, buat hotu di'ak hela, ita la ulun moras to'o agora. Mas, tanba buat hotu sei sabraut, Governo ida-ne'e toma responsabilidade e comprometido atu hadi'a, e começa hadi'a daudauk ona ho resolve problema pendente sira-ne'ebé husik hela iha tinan barak nia laran, e Governo ida-ne'e enfrenta problema barak, maibé comprometido atu resolve.

Sr. Deputado sira hotu, kona-ba evicção ne'e, ha'u sente, ohin loron ne'e ha'u hakarak rona, karik bele rona, ita hotu loke chapéu ba Chefe Suco Bebonuk, ba ninia vontade hanesan líder comunitário, bele convence população iha Bebonuk mota-ibun, tasi-ibun ne'e bele sai ho voluntário. Ita mós, tuir loloos, basa liman ba comunidade sira-ne'e, sira afetado, maibé sira mós cumpre regras Estado nian. Se lakohi basa liman ba SEATOU, Germano, basa liman netik ba Chefe Suco Bebonuk ho mós Chefe Suco Lahane Oriental tanba hamriik atu garante saída de'it mak di'ak ba Estado atu implementa iha terreno, e mós educa ita-nia povo.

Se fatin ida mota-ibun labele hela, labele hela duni! Mas, pergunta ba ita: tanbasá mak ita husik to'o agora?

Lei sira, regime legal sira-ne'ebé regula sobre rai ho uma, hanesan ohin declaração política Bancada KHUNTO nian, mak ita implementa duni, ha'u sente, comunidade sira-ne'e la hela iha mota-ibun sira-ne'e. Mas, tanba ita la implementa ho sério, DNTP mós la implementa buat ida, buat sira-ne'e hotu, envolve mak arrendamento sira-ne'ebé agora cria problema boot, ema nia propriedade privada mós arrenda hotu, proclama tiha hanesan ne'e Estado nian, e bá fó arrendamento ba ema li'ur

sira mai halo loja. Ne'e mak fatos, Sr. Deputado sira hotu. Regime sira ohin Sr. Deputado sira temi ho di'ak tebetebes ne'e mak implementa ho sério desde início, ita la iha problema hanesan agora.

Semana uluk ha'u dehan ona, caso barak, injustiça boot ne'ebé comete husi DNTP, serviço cadastrais ne'ebé durante ne'e fó andamento ne'e. Desde uluk to'o agora iha tribunal, família hira mak sente la injustiça tanba DNTP proclama tiha dehan rai ne'e la'ós sira-nian? Em nome Estado halo tiha arrendamento, e arrendamento sira-ne'e hotu, ita hatene ona, acontece prática barabarak, ne'ebe agora Ministério da Justiça cria hela equipa ida, começa halo novo levantamento para descobre hotu sé-sé mak envolve iha asneira sira-ne'e, inclui pessoal sira iha DNTP.

Iha DNTP sira agora serbisu ne'e sénior de'it, desde uluk, serbisu começa 2002 to'o agora, la muda. Muda mak cargo chefia, *periode* ida nia ba chefe, *periode* ida nia tun fali, ida sa'e fali, mas sira mak nafatin ne'e. E agora Ministério da Justiça, ho liderança Sr. Ministro Sérgio Hornai nian halo hela serbisu, e hatete ona semana kotuk, ha'u dehan ona, liafuan ne'ebé Sr. Ministro da Justiça hatete mak ne'e: «resultado husi levantamento ida-ne'e sei halo barak la contente», maibé, em nome Estado, em nome lei, regras ne'ebé implementa tem que implementa! Sé-sé mak envolve iha má prática, arrendamento ne'ebé falsifica documento, foti ema nia terreno, ema nia uma, halo arrendamento, husik hela ema na'in ba hato'o queixa iha tribunal to'o agora la resolve, tem que bá toma responsabilidade.

Ita descobre dados ne'e barak, Sr. Deputado sira hotu, ba questão ida arrendamento terreno sira, uma iha ita-nia Rain ne'e.

Ita mós tem que basa liman ba comunidade sira iha mercado antigo Baucau, ne'ebé voluntariamente husik. Basa liman mós ba autoridade sira iha Baucau, chefe suco sira, chefe aldeia sira, presidente autoridade ho cargo chefia sira hotu, e mensagem Díli nian ho Baucau ne'ebé hatudu ne'e atu fó ba mensagem ba sira seluk iha município hotu-hotu atu di'ak liu halo hanesan ho sira, voluntariamente liberta fatin ne'ebé Governo ou Estado hatudu ona katak fatin ne'e labele hela. Satán sira-ne'ebé tau ona número, sinal ne'e hatete katak tem que muda ona. Se descobre iha Díli, hanesan ohin Sr. Deputado Luís hatete, iha oficial PNTL ida mós sai hotu parte ne'ebé ocupa fatin sira-ne'e, ha'u sente, ida-ne'e mós exemplo ida. Se nível oficial ida bele sente seguro hela hela iha fatin ne'ebé la'ós apropriado, la autorizado, e tau tan número para tem que liberta, ne'e mós demais. Então, ita bele imagina, se comunidade baibain de'it bele compreende ona mensagem sira-ne'e, gesto Estado nian, nu'usá ema oficial ida PNTL la hatene?

Sr. Deputado sira hotu, declaração política sira-ne'e mesak di'ak, mas ha'u hanoin katak ita tem que halo apreciação ba vontade sira-nian, comunidade afetado sira.

Sr. Deputado sira, husi intervenção Governo nian ba evicção ne'e, Governo, linha ministerial sira, husi parte saúde acompanha hela sira-ne'ebé moras, husi parte solidariedade social halo levantamento ba sira-ne'ebé deficiente, durante sira hela hela iha fatin sira-ne'e la iha controlo. Ita la hatene, hela tan iha fatin aat, condição ne'ebé la bele atu hela, halo sira sofre aumenta an, então descobre, e Governo,

liuhusi ministério relevante sira-ne'e... Ministério da Educação mós halo levamento ba estudante hira mak sofre ba evicção ne'e e facilita sira atu transfere bá ne'ebé.

Comunidade sira iha Fomento II, iha tempo evicção nian, declara ona ba Governo katak «Ami pronto atu fila», precisa de'it carreta para tula sira. E Governo la husik de'it tula sira bá soe, prepara condições hotu, acompanha, dados sira-nian detalhado para sira labele sai vítima bainhira sira fila bá sira-nia fatin.

Conhece ho didi'ak liután sira, quando sira mai hela iha-ne'e la iha registo, sira bá hela de'it iha fatin sira-ne'ebé la'ós fatin atu hela, fora husi controle chefe suco no chefe aldeia sira-nian, e agora ita deteta, hatene, sira ida-idak fila bá sira-nia fatin, sira-nia suco no sira-nia aldeia. E Governo central, liuhusi Ministério Administração Estatal, regista hela sira ida-idak para sei la husik sira bá iha-ne'ebá abandonado. Ne'e mak Estado. Estado nia tratamento ba sira ho digno, ba população ne'e, la soe de'it sira, tanba ita la'ós iha funu, ita iha hela situação governação ida, Estado ida funciona ho di'ak, instituição Estado sira la falhado, la iha crise, tau hela atenção ba ida-ne'e. Comando PNTL hotu hanesan.

Kona-ba *realistis* ka la *realistis* ba *Greater Sunrise*, Sr. Deputado sira hotu, ohin declaração política hatete sobre «tanbasá mak *Greater Sunrise* seidauk claro, refinaria atu halo ona?», Sr. Deputado sira hotu, se hanesan ne'e mak ita-nia pensamento, ida-ne'e mak ita-nia problema, ida-ne'e mak terceira parte aproveita loos ita-nia fraqueza tanba ita la sério. Refinaria ne'e bele halo. Tanba saida mak poço perfuração iha Suai tolu la'o hela, e agora iha tan perfuração seluk? Ne'e atu bá halo iha-ne'ebé se refinaria la iha? Portanto, refinaria halo ka la halo la depende ba *Greater Sunrise* atu mai ka la mai, iha razão de ser para halo, para ita diversifica ita-nia mina matak sira-ne'e iha ita-nia Rain rasik.

Ne'ebe *pembodohan publik*, ohin Sr. Deputado Sinarai temi tan «Sr. Primeiro-Ministro bosok», ha'u representa Primeiro-Ministro e Governo iha-ne'e atu husu desculpa ba Sr. Deputado sira, favor ida termo sira-ne'e usa ho cuidado tanba Uma ne'e Uma Povo nian. Sr. Primeiro-Ministro la bosok e nunca *pernah* bosok!...

Sr.^a **Presidente**: — Muito obrigada, Sr. Vice-Ministro.

Sr. **Vice-Ministro dos Assuntos Parlamentares** (Adérito Hugo da Costa): — ... Obrigado, Sr.^a Presidente.

Sr.^a **Presidente**: — Ya, ha'u agradece tebes, Sr. Vice-Ministro.

Distintos Deputados, ainda temos um quórum deliberativo. Ita iha quórum hira? *Hallo*, conta lai, Deputados! Tanba ha'u atu aproveita oportunidade, ita tama kedas ba período da ordem do dia.

Ne'ebe, ha'u atu halo correção ida, foi um erro no meu despacho, que tuir loloos ba Comissão A ho Comissão D.

Ne'ebe Anúncio da admissão e baixa à Comissão de Assuntos Constitucionais e Justiça e à Comissão de Economia e Desenvolvimento, a lei sobre as infraestruturas, Proposta de Lei n.º 13 que é O código de recuperação e insolvência, ne'ebe, ne'e importante tebetebes. Ne'ebe, ha'u hatún ba Comissão, prazos iha hotu ne'ebá ona para hodi haree, e ha'u husu dala ida tan para tau matan ba lei sira-ne'e.

Distintos Deputados, sé mak alimenta o Plenário são as Comissões, la'ós Presidente mak bá buka tun buka sa'e para iha Plenário, tanba quando la iha matéria, ha'u sei la lori mai iha-ne'e.

Segundo, ha'u atu fó-hanoin ba distintos Deputados, tanba ho lei CAC, tinan-tinan os Deputados têm de fazer a declaração de bens, prazo atu remata, ne'ebe ita mak halo lei, ita kesi tali iha ita-nia kakorok duni. Ne'ebe, halo favor, cumpre lei bá para labele ko'a ita-nia osan.

Terceiro, livros e documentos iha Plenária, ha'u husu ba distintos Deputados atu recicla. Documento lalika iha-ne'e ona, lori! Loos, ita la iha gabinete, mas hein ne'ebá hadi'a tiha ita iha fatin para tau. Tau iha caixa ka tau iha-ne'ebé, maibé aban-bainrua Deputado sira tur iha-ne'e taka tiha ita-nia oin ho livros.

Quarto, ha'u husu fali ona ba Secretário-Geral atu tau fali divisões de plástico para evita tanba gripe agora barak, balu la iha cuidado, la usa máscara, ita bele contagia ita-nia colega sira.

Por ultimo, distintos Deputados, discute malu quando iha declaração política ou iha intervenções não resolve nada. Ita iha ferramentas, Regimento mós fó dalan, Governo está pronto, ha'u espera fulan-fulan ou semana-semana ita iha debate ho Governo. Maibé, tem que iha pedido, sem pedido ha'u sei la avança. Ne'ebe, discute malu, ponto de ordem aban-bainrua para hatán malu, ha'u la fó, mesmo que ne'e direito dos Deputados porque la iha produtividade ita hirus malu. Ne'ebe, dala ida tan, ha'u husu iha iniciativas, em vez de declarações políticas, ita mak discute malu, hatán malu, husik Governo ne'ebé executa ne'e mak mai hatán.

Claro katak ita-nia juramento fazer cumprir a Constituição e as leis. La cumpre, sala, ita corrige! Ne'ebe, dala ida tan, mai ita serbisu ho efetividade, ho eficiência. Ne'ebe, ha'u apela, ida-ne'e mak sei fó *feedback* e população mós compreende, tanba, selae, ita halo intervenções la han malu. Ne'ebe, ha'u husu para ita iha produtividade di'ak liu iha comissão sira no mós iha Plenária ida-ne'e.

Hodi nune'e ita remata ita-nia atividade. Ohin ha'u sei iha encontro ho Mesa do Parlamento, maibé aban iha convocatória ho presidente das comissões, tanba ita mós iha regras de execução do Orçamento do Parlamento para evita problemas iha conta ne'ebé auditado pela Câmara de Contas.

E, ba comissão sira-ne'ebé simu ona lei, halo favor, la'ós haluha tiha lei iha comissões, ita bá fali fiscalização. Ha'u sei la fó iha tinan ida-ne'e.

Iha ponto de ordem ida, ha'u fó tempo ba Sr.^a Presidente.

Sr.^a **Cedelízia Faria dos Santos** (CNRT) — Obrigada, Presidente.

Atu confirma lailais de'it tanba Sr.^a Presidente dehan orsida iha reunião ho Mesa comissões, maibé ami só simu convocatória ba aban de'it, ida de'it.

Confirma de'it ida-ne'e tanba Sr.^a Presidente foin menciona.

Obrigada.

Sr.^a **Presidente**: — Ohin loraik com a Mesa do Parlamento, amanhã é que com a mesa das comissões, *okay*?

Muito obrigada.

Horas hatudu tuku 1 liu minuto 17 lokraik.